



МЕСЯЦА АВГУСТА ВО 2-й ДЕНЬ

Пренесение мощей святого первомученика
и архидиакона Стефана

ВЕЧЕР

На Господи, возвах: стихирьы первомученика,
на 6, глас 8.

Подобен: О, преславнаго чудесе:

Стефане, мучеников первострадальне, / служителей основание, / апостолов избранный, / светло творящая твоё светоносное торжество / светом незаходимым, мучениче, озари, / греховную разоряя тьму, / благодать и милость подай рабom твоим / и к животу вечному / наставляя твоими молитвами.

Венец благодатей / твой верх, Стефане, мучениче Христов, / тезоименитно прием / и гривну, яко злато, добродетелей обложив твоей ви, / мудрости был еси премудростное жилище. / Юже почел еси, / притворив любезну себе, / еяже ради почтился еси / славою и благодатию.

Венец сущему честен / Царю и Богу принеслся еси, апостоле, / каменным биением, / словесен и многочислен, / паче злата и камене честнаго, / венчан славою и благодатию, / Стефане всечестне, мучеников первострадальне, / сладкое дело же и имя, / помяни всех нас.

Ины стихирьы самогласны, глас 2. Анатолиево:

Первый в диаконах, первый в мученицах / показался еси, всесвятый Стефане: / путь бо был еси

святы́м, / и мно́ги Го́споду привёл еси́ му́ченики. / Тем Не́бо тебе́ отве́рзся / и Бог тебе́ яви́ся, / То́го моли́ спаст́ся ду́шам на́шим.

Во святы́ню облéклся еси́, Стефа́не блаже́нне, / перво́му́чениче и перво́диаконе, / А́нгелов соприча́стниче, / ходата́йствуй и моли́ся о нас / Спа́су Го́споду безгрéшному.

Перво́му́ченика и до́бляго Христо́ва уго́дника, / Стефа́на перво́диакона досто́йно почти́м: / той бо сто́я посре́ди беззако́нников, / одесну́ю Отца́ Сы́на ви́де.

Сла́ва, глас 6. Анато́лиево:

**Пе́рвый в му́ченицех показа́лся еси́ / и в диако́н-
нех, Стефа́не апо́столе, / страда́льцев удо́брение, /
ве́рных утвержде́ние, сла́ва пра́ведных, / честну́ю
твою́ па́мять пра́зднующим / проси́, я́ко предсто́я
престо́лу Христа́, всех Ца́ря, прегреше́ний
очище́ния / и Ца́рствия Небе́снаго сподо́битися.**

И ны́не, Богоро́дичен или́ Крестобогоро́дичен.

Подобен: Триднёвен:

**Ви́дящи Тя распина́ема, Христé, / Тебе́ ро́ждшая
вопя́ше: / что страна́ное, е́же ви́жу, / та́инство,
Сы́не Мой? / Ка́ко на Дре́ве умира́еши, плóтию
повешен, / жи́зни Подáтелю?**

На стихóвне Окто́иха.

Сла́ва, глас 8. Кипри́аново:

**Ра́дуйся о Го́споде, венце́носче Стефа́не, / по-
дóбник Влады́ки, / занéже и перво́му́ченик был еси́
Христа́, Ца́ря на́шего, / и лeсть беззако́нных иудéй
упразднил еси́, / моля́ся о нас ко Го́споду.**

И ны́не, Богоро́дичен или́ Крестобогоро́дичен:

Подобен: О, пресла́внаго чудесé:

**Тя ви́дящи, пригво́жда́ема / на Крестé, Иису́се, /
и стра́сти приéмлюща во́лею, / Де́ва и Ма́ти Тво́я,
Влады́ко, / увы́ Мне,—вопя́ше,— Ча́до сла́дкое, /
ра́ны непра́ведно ка́ко терпи́ши, / Врачу́, исцели́-
вый челове́ческое неможéние / и от тли́ всех
изба́вивый / милосе́рдием Тво́им?**

Тропáрь, глас 4:

Цáрским венце́м венча́ся / твой верх от страда́ний, / я́же претерпéл еси́ по Христé Бóзе, / мучеников первострада́льче Стефа́не, / ты бо, иуде́йское обличи́вый неистовство, / ви́дел еси́ твоего́ Спа́са одесну́ю Отца́: / Того́ у́бо моли́ о душа́х на́ших.

Ин тропáрь, глас 3:

Апóстолом совсéльник / и страсотéрпцем первострада́лец, / Христóв служите́ль, прехва́льне Стефа́не, / пéрвое бо соверши́в мучéния течéние, / безчи́сленныя рóды человекъ ра́вно Подвигополо́жнику Христú приведе́. / Тёмже я́ко апóстола и страда́льца верхо́внаго / чту́ще тя, мо́лим: / моли́ Христá Бóга / дарова́ти нам ве́лию ми́лость.

По отпу́щении вече́рни вно́сится Честный́ Крест, иере́ю зри оболче́ну в фелoнь и диа́кону в стихáрь, со свещáми и кади́лом, пою́ще тропáрь: Спаси́, Го́споди, лю́ди Твоя́: и конда́к, и полага́ется на престóл.

НА УТРЕНИ

Оба канoна Окто́иха на 8, без мученичнов, и свята́го на 6, егóже краегранéсие: Пёсньми перво́мученика венча́ю. Феофа́н, глас 8.

Песнь 1

Ирмо́с: Колесницегоните́ля фараoня погрузи́ / чудотвори́й иногда́ / Моисе́йский жезл, крестообра́зно порази́в / и раздели́в мо́ре, / Изра́иля же беглеца́, пешехoдца спасе́, / песнь Бóгови воспева́юща.

Светолу́чными блиста́нии Ду́ха просвещáемь, / преестéственными страда́нии и твёрдаго терпéния, ты пою́щая просвети́, / предсто́я Влады́ще, венце́носче пребога́те Стефа́не, мучеников венча́ние.

Подвиготеку́щим нача́ток быв и верхо́вник мученическаго собо́ра, / зрéти сподóбился еси́ Страстополо́жника, сла́вне, / десни́цею живонóсною

богоплетѣнный тебѣ простирающа венѣц, чѹдный Стефанѣ.

Единъ сый сокровище благасти, Спасе, / показал еси от земныхъ недр сокровище многоценное, / богатство неизживаемое, неотъемлемо имение, корысть негиблему, / Стефана Твоего первомученика.

Ангелозрачною яве светлостию озаряемъ, / ангельскими пѣснями, первомучениче Стефанѣ и диаконовъ перволучший, / сокровенъ яко явился еси, достойно воистинну почтѣлся еси, / исполненъ благовония духовнаго.

Богородичен: Воплощеннаго нас ради, Пренепорочная, прежде Безплотнаго, / Богоначальнаго Слова Отца родила еси. / О дѣвства селение, и приятелище чистоты, / и храмъ священія, Владычице мѣра Богоневѣсто!

Песнь 3

Ирмос: Утверждѣй в началѣ Небеса разумомъ / и зѣмлю на водахъ основавый, / на камени мя, Христѣ, заповѣдей Твоихъ утверди, / яко несть святъ, паче Тебѣ, Едине Человеколюбче.

Священнословъ священный и Богословъ показался еси, / сплетаяся с еврѣйскими соборы, / обличая крепко сихъ безбожие и богоборный нравъ, / Стефанѣ, мучениче всеизрядне.

Первомученика Христова и служителя перваго, / мученикомъ теченія степень показавша светло, / Ангеловъ собесѣдника, приидите согласно вси, пѣснями Божественными почтѣмъ.

Сокровенное сокровище в землѣ является, / и миръ благовонія Божественнаго и богатыхъ даровъ Церковь исполни / мучениковъ первый и служителей первоизбранный.

Умерщвленый мой умъ жизни дѣйствомъ, / тобою проповѣдавшимся, мудре, возстави пѣти твоѣ честное торжество / и твоимъ стопамъ последовати, Стефанѣ блаженне, сподоби.

Богородичен: Дверь явилася еси мысленна востока Вѣшняго, на землѣ явльшагося, Дѣво: / тобою бо к намъ Слово привиде спасти всехъ отъ безсловесія, Пречистая.

Седáлен, глас 1.

Подóбен: Гроб Твой, Спа́се:

Апóстоле Христóв, диаконов пёрвый, первомучениче мýдре, мучеников верх, / мирскія концы освятív страдáнии твоими и чудесы́ дýши человекóв просветíl есй, / чтýщия тя избáви вся́ческих бед, всехвáльне Стефáне.

Слáва, и ны́не, Богорóдичен:

Уповáние христиáн, Пресвятáя Дéво, / Егóже родилá есй, Бóга, пáче умá же и слóва, / непрестáнно моли́ с Вь́шними сй́лами / подáти оставлénие грехóв нáших всех и исправлénие жити́я / véрою и любóвию прй́сно Тя слáвлящим.

Крестобогорóдичен:

Несквёрная Áгница, Áгнца и Пáстыря, повéшена на Дрéве, мёртва зря́щи, / пла́чущи, вещáше, мáтерски восклицáющи: / кáко претерплó Твоё, ёже пáче слóва, Сýне Мой, снй́тие / и вольныя стра́сти, Бóже Преблагй́й?

Песнь 4

Ирмо́с: Ты моя́ крéпость, Гóсподи, / Ты моя́ и сй́ла, / Ты мой Бог, Ты моё рáдование, / не оставль нéдра Отча / и нáшу нищету́ посетй́в. / Тем с проро́ком Аввакúмом зовý Ти: / сй́ле Твоёй слáва, Человеколóбче.

Струй́ нам днесь мй́ра источй́ благовóния, / истóчник исхóдит и рекá Божéственных благ, / и пй́щный потóк отвёрзе слáвный, пёрвый мучеников, / й́же véры испóлнен, и сй́лы Божéственныя, и благодáти.

Я́ко свящén и свéтел и благонаро́чит день первомученика, / испóлнен свéта и духóвнаго войстинну весéлия, Цáрскому граду́ явй́ся, / сохрáняя держáву честны́я Цёркве и вáрварскую дёрзость отгоняя.

Благóе наследй́е воспрй́ял есй́ достóйно, Стефáне блажénне, / идéже Христóс Царь всех, ты всели́лся есй́, / Тогó бо явй́лся есй́ служй́тель, знáмений и чудес творя́ сй́лы / и подаёя боля́щим исцелénия.

Непреклóнен Цёркве и непоколебím и водружён столп / прострётся от земли да́же до небёс, зарёю благочёстия просвещая вся концы, / Стефан, великий истины проповедник, страда́ния истинный побóрник.

Богорóдичен: Нов Ада́м за пёрваго Ты был еси́, от Дёвы за прамáтерь, / Избáвитель всех и Спас, за смерть истинна жизнь безсмёртная. / Тёмже, Ты рóждшую Богорóдицу вёдуще, по досто́йнию, вси вёрнии, ублажа́ем.

Песнь 5

Ирмо́с: *Вскúю мя отрíнул еси́ / от лица́ Твоего́, Свёте незаходímый, / и покрýла мя есть чужда́я тьма, ока́яннаго? / Но обрати́ мя и к свёту за́поведей Твои́х / путí мой напра́ви, молю́ся.*

Беззако́нных евреев сýетный во́истинну собóр терпели́вно обличíл еси́, / от тех, Богогла́се, покрывáемь метáнии ка́менными, / на Небеса́ я́ко победоно́сец вознёслся еси́ дúхом, Стефане.

Я́ко красён, я́ко утро, ми́ру яви́лся еси́, сла́вне Стефане, мглу отгоня́, / и демо́нов прогоня́ мечтáния и недúгующих стра́сти, / и душе́вных нёмощей целя́ гноёния, Богодохнове́нне.

Мы́сленно со А́нгелы, блаже́нне, ра́дуясь, / ми́ра концы́ освяща́еши во́истинну твои́м прише́ствием и благода́тию, / благово́ния ми́ры духо́вными благоуха́я и бед и бу́ри избавля́я.

Богорóдичен: Ма́тернее дерзнове́ние е́же к Сы́ну Твоему́ имúщи, Всечы́стая, / срóднаго промы́слёния, е́же о нас, не презри, мо́лимся: / я́ко Тебе́ и еди́ну христиáне ко Влады́це очище́ние ми́лостивно предлага́ем.

Песнь 6

Ирмо́с: *Очы́сти мя, Спа́се, / мно́га бо беззако́ния моя́, / и из глубины́ зол возведи́, молю́ся, / к Тебе́ бо возопи́х, и услы́ши мя, / Бо́же спасёния моего́.*

А́нгелом я́ко подо́бник произво́лением быв, / вид а́нгельский стяжа́л еси́, блаже́нне, / с ни́миже ра́дуясь и обходя́, пою́щая тя спаса́й.

Глаго́л, блаже́нне, твои́х богодохнове́нных си́ла, я́ко шум грóмный, / во úши, Богоприятне, я́ве возгреме́ беззако́нных и лица́ их помрачи́.

Славу Отéческую узрети сподóбился еси и сея соестéственное сияние, Стефане, / страдáнии возвещáя тебе свéтлыя венцы, Богогласе всечестне.

Богорóдичен: Сын Единорóдный и прэжде век невидимый напоследок дней Пёрвенец бысть, / видим плóтию из Тебе, Богомáти, Бог спасения моего.

Кондák, глас 6:

Пёрвый сéялся еси на земли Небéсным дéлателем, / всехвáльне Стефане, / пёрвый на земли за Христа́ кровь излиял еси, блажéнне, / пёрвый от Него́ победы венцем увязлся еси на Небесéх, / страдáльцев начало, / венéчнице, мучеников первострадáльне.

Икос:

Рáйския цвёты зря, благовóнием своим красным исполняюция всю вселéнную, / стрáнному их дивлóся зрению: / в лёде зímнем множае цветúт пáче, еже стрáнно во цвётех. / И мученик Христóв, процветый пёрвее, и дверь быв страждущим законно, / и цветущим зимою мучения, путь показá всем нелéстный, / хотящим страдáти, дóбрый подвигоначáльник, / иже болéзными просияв, венéчнице, мучеников первострадáльне.

Песнь 7

Ирмос: *Бóжия снизхождéния / огонь устыдéся в Вавилóне иногда, / сегó рáди óтроцы в пещи, рáдованною ногою, / яко во цвётнице, ликующе, пояху: / благословén еси, Бóже отéц нáших.*

Течéние кровей твоих Небéсныя двéри отвёрзе / и Подвигоположника, предстояща и простирающа тебе венéц, показá, зовúщу: / благословén Бог отéц нáших.

Яко звéрие, похитивше богоубийцы богоявлéннаго, / скверноубийственными длáньми сегó убивáху, / молящася о убивáющих прилэжно и поюща: / благословén Бог отéц нáших.

Законно обличил еси беззаконныя, законный подобник Спасов, / и богоборны сих показáл еси, / от нихже камением побивáемь, пел еси: / благословén Бог отéц нáших.

Богорóдичен: В лéто Безлётнаго неискусобра́чно, Чíстая, зачѣнши, / ѿже пѣрвее Безплóтное Сло́во, плóти пріятием, Дѣво, родила́ еси́. / Емúже поём, соглáсно зовúще: / благословѣн Бог отѣц нáших.

Песнь 8

Ирмóс: Седмери́цею пещь / халдѣ́йский мучи́тель / Богочестíвым не́истовно разжжѣ, / си́лю же лúчшею спасѣны, сн́я вѣдев, / Творцú и Избáвителю вопи́яше: / óтроцы, благословите, / священни́цы, воспóйте, / лю́дие, превозносите во вся вѣки.

Преестѣственным сия́я светозарѣнием, преизрядне, / и лица́ твоегó зрак равноáнгелен показовал еси́, благодáти изда́вшись, Стефа́не, / ѿже в души́ твое́й, сокровѣнне богáтно. / Тѣмже вопи́ял еси́: / óтроцы, благословите, священни́цы, воспóйте, / лю́дие, превозносите во вся вѣки.

Венценóсче Стефа́не, души́ моея́ язвы и грехóвныя стру́пы очисти́ кроплѣнием кровѣй тво́их, / к твоемú бо заступлѣнию мѣлостивному и хриstopодóбному нра́ву прибегóх, зовь́й: / óтроцы, благословите, священни́цы, воспóйте, / лю́дие, превозносите во вся вѣки.

Благодáтей, сла́вне, тебѣ тезоименитый венѣц / твоемú честнóму верхú положи́ Судия́ нелицемѣрный, / Егóже благочѣстно проповѣдал еси́, Зиждѣтеля, и Бóга, и Царя́ всех, вопи́я непрестáнно: / óтроцы, благословите, священни́цы, воспóйте, / лю́дие, превозносите во вся вѣки.

В рúку Содѣтеля прѣдал еси́ дух твой, / и Небѣсная во́инства собесѣдника пріяша ты, раду́ющеся, / пѣрвее на землѣ́ равноáнгельна, ны́не же тех причтѣна ликóм, непрестáнно пою́ща: / óтроцы, благословите, священни́цы, воспóйте, / лю́дие, превозносите во вся вѣки.

Богорóдичен: Свѣта незаходимаго была́ еси́ сосúд, Всечíстая, / Свет бо сýщим во тьме и сѣни родила́ еси́, просвѣща́ющ вс́яческая богоразúмия благодáтию. / Емúже непрестáнно, вѣрнии, поём: / óтроцы, благословите, священни́цы, воспóйте, / лю́дие, превозносите во вся вѣки.

Песнь 9

Ирмос: Ужасеся о сем Небо, / и земли удивишася концы, / яко Бог явися человеком плóтски / и чрево Твое бысть пространнейшее небес. / Тем Тя, Богородицу, / Ангелов и человек чиновачалия величают.

Страдания мучеников начало, / светло показавый мучения нелестную стезю, наставляюще к Небесы, / первомученик Стефан вся призывает духовне к Божественному веселию / и к причастию света, ко общению святыни.

Вжиляемь любовию Христовою и Сего поревновав кротости и гласу, глаголаше: / не постави убийцам греха, Господи, / прими же дух мой, Блаже, / и Божественнаго Царствия, пищи же неизреченныя, сущия у Тебе, сподоби мя.

Красен, и вида ангельскаго, и премудрости, и веры исполнен, / и Божественныя зары сияя лучами, и богогласными усты богоглаголал еси, яко река, / божественне ветийствуя, Вышнее наследие, Богоблаженне, улучил еси.

Венцем благодатей венчался еси, и лики мученическими окружен, / и Христу Подвигоположнику предстоя, / о нас молися, творящих светло войстинну светоносное твое торжество, блаженне, / и от бед нас избави.

Богородичен: Яко всех Предстательнице христиан, Богомати Всенепорочная Владычице, / яко Милостива, избави от бед и искушений страждущия рабы Твоя / и недугующия лютых прегрешений ранами и болезнями тяжкими одержимыя изврачуй.

Светилен.

Подобен: Посетил ны:

Каменная метания премирный исплетоша тебе нетления венец, / и кровныя капли — багрянницу царску, начальниче мучеников, изрядный Стефане.

Богородичен:

Святая Владычице Пречистая и едина Неискусобрачная, спасение и упование, / Ты умоли из Тебе рожденнаго Избавителя нашего / спасти мир от лести, и бед, и скорбей.

На хвалітех стихіры на 4, глас 4.

Подобен: Яко дбля:

Сошѣдшеса празднлюбцы тайно, / молѣбную и честную празднуем первомученика днесь пѣмать, / в сей приѣмлюще исцелѣния честных дарований его, и возопіем: / достойнопѣтый мучениче, / моли избавитися от бед / творѣщим пѣмать твою.

Якоже степені и лѣствица на Небесный восход, / каменная метанія бѣша тебѣ, / на нюже возшѣд, видѣл еси / стояща Господа одесную Отца, / тебѣ тезоименит венѣц простирающа десницею живоносною. / Егѣже близ яко добропобѣдник предстоиши / и страдальцев верховный.

Духовною благодатию просветив помышление, / зраком яко Ангел явился еси, Стефане, / облиставшу телеси внутреннею светлостію / и зарю душевную являющую видящим, / ейже ради получил еси и света зрение, / Небесем тебѣ преславно отверженным, / начало мучеников и похвалѣ.

Слава, глас тойже, самогласен:

Стефан, доброе начало мучеников, / исполнен благодати и силы, / творѣй знаменія и чудеса велия в людех, / от беззаконных каменіем побіен бываше, / но просветися, яко Ангел, / и зрит славу Тебѣ, распеншагося нас ради, / одесную Силы, / и Духом благодати на Небеса взиماشеся. / И сего ради с ликостоянии ангельскими водворяяся, / молился спастися душам нашим.

И ныне, Богородичен или Крестобогородичен.

Подобен: Яко дбля:

Агнца и Пастыря Ты на Древе яко виде, / Агница рѣдшая рыдаше / и матерски Ти вещаше: / Сыне возжеленне, / како на Древе Крестнем повѣшен еси, Долготерпеливе? / Како рѣце и нѣзе Твои, Слове, / пригвоздишася от беззаконных / и кровь Твою излиял еси, Владыко?

На стихѣвне Октѣиха.

Слава, глас 5. Киприаново:

Первомучениче апостоле и переводиаконе, / дверь мучеников и слава праведных, / апостолов

похвалó,/ ты Небесá видел еси отвёрста, на судищи стоя,/ и Сына Бóжня, одеснóю стояща Невидимаго Отца./ Тёмже, яко Ангел, возсияв лицём,/ в радости взывáл еси о побивáющих тя камением:/ не поста́ви им грехá сегó,/ и ны́не испроси́ от любве́ хва́лящим тя / очище́ние грехóв и ве́лию мило́сть.

И ны́не, Богородичен или́ Крестобогородичен.

Подóбен: Ра́дуйся:

Избавле́ние нас ра́ди и це́ну вели́кую — / пречи́стую кровь Твою́ избóлил еси́ да́ти, / Безгрéшне Христé мой, / всем хотя́ спасе́ние получи́ти. / Тёмже Тя зря́щи пригвожде́на Ма́ти Твоя́, / рыда́юще, власы́ терза́ше Си, глаго́лющи: / Ча́до, Агнче Всенепоро́чный, / мир хотя́ изба́вити честно́ю Твоёю Кро́вию, / от óчию Моёю ка́ко за́йде, Спа́се, незаходимое Со́лнце, / Ё́же всем пода́й просвеще́ние, и мир, / и ве́лию мило́сть?

НА ЛИТУРГИИ

Блаже́нны, Окто́иха, и апо́стола, песнь 3-я, на 4. Прокі́мен, глас 8: Во всю зе́млю изы́де веща́ние их / и в концы́ вселённыя глаго́лы их. Стих: Небесá пове́дают сла́ву Бóжнюю, творе́ние же руку́ Его́ возвеща́ет твердь. Апо́стол Дея́ний, зача́ло 17. Аллилу́ия, глас 1: Испове́дят Небесá чудеса́ Твоя́, Го́споди, ибо́ исти́ну Твою́ в Це́ркви святы́х. Ева́нгелие от Матфе́я, зача́ло 87. Прича́стен: Во всю зе́млю изы́де веща́ние их:

Моли́тва

Пе́рвый во диа́конех, пе́рвый и в му́ченицех показáлся еси́, святы́й Стефа́не, апо́столе, испо́льнъ бо ве́ры и си́лы во уче́нии и в зна́мениих вели́к яви́лся еси́, и никто́же возмо́же противуста́ти премúдрости и дýху, ё́миже глаго́лал еси́, лице́ же твоё на со́нмищи ви́дено бысть, яко́ лице́ а́нгела. Тёмже, испо́лнен Свята́го Дýха быв, ви́дел еси́ отвёрстое не́бо и сла́ву Бóжнюю и Сы́на челове́ча, Го́спода на́шего Иисýса Христá, одеснóю стояща́ Бо́га Отца́. Та́же и от жестоковы́йных и убийц иудеев ка́мением пред лицём Преблагосло́венныя и моля́щияся о тебе́ Де́вы, Ма́тере Его́, побивáемь, прекло́нь колéна, возопи́л еси́ гласом ве́лиим: Го́споди, не поста́ви им грехá сегó! И та́ко

дух твой Господу Иисусу радостно предал еси. Сего ради молитвенника и предстателя ты стяжанием, колена души и сердца нашего преклоньше, ты молим: воздежи руке твоей ко Господу, и сподвижи всему роду человеческому Предстательницу и Ходатаицу к Сыну Своему, Пресвятую Матерь Деву, и о нас, присно прогневающих грехом и леностию, моли Благого Спаса нашего, да подаст нам благодать во благовременную помощь к покаянию и твоим предстательством и заступлением Пресвятыя Матере Своей в день он, страшный и праведный, да не поставит пред нами грехи наша, но по щедротам Своим, тобою умолен быв, да речет души нашей: спасение ваше есмь Аз во веки веков. **АМИНЬ.**



Перенесение из Иерусалима в Константинополь святых мощей первомученика архидиакона Стефана (ок. 428) и обретение мощей праведных Никодима, Гамалиила и сына его Авива.

Святой первомученик и архидиакон Стефан пострадал за веру в Христа от иудеев, которые побили его камнями. Честное тело святого мученика было брошено на съедение зве-

рям и птицам. Сутки и еще один день лежало оно без погребения, но ни звери, ни птицы не прикоснулись к святым останкам первомученика. На вторую ночь некие благочестивые мужи по повелению знаменитого еврейского законоучителя, друга апостолов Гамалиила тайно взяли тело святого Стефана и отнесли в селение Кафаргамала близ Иерусалима. Там благочестивый Гамалиил с честью совершил погребение архидиакона Стефана в новом гробе в пещере.

Через некоторое время рядом с первомучеником Стефаном был погребен праведный Никодим, которого научил святой вере Сам Господь Иисус Христос (Ин. 3, 1; 7, 50; 19, 39). Иудеи хотели убить его, как первомученика Стефана, но не сделали этого из уважения к любимому всем народом Гамалиилу, которому праведный Никодим был родственником. Последние годы жизни праведный Никодим провел в имени Гамалиила и скончался в покаянии у гроба первомученика Стефана. В той же пещере был погребен и двадцатилетний сын Гамалиила Авив, который принял святое Крещение вместе со своим отцом от апостолов. Со временем и сам Гамалиил был погребен близ гроба первомученика Стефана.

В 415 году пресвитер селения Кафаргамала Лукиан увидел в сонном видении благолепного старца высокого роста, с продолговатой бородой, одетого в белую одежду, украшенную

изображениями золотых крестов. В руке старец держал золотой жезл. Позвав Лукиана по имени, старец велел ему идти в Иерусалим и сказать архиепископу Иоанну II (387—417), чтобы открыли честные мощи его и лежащих с ним святых. Пресвитер спросил старца, кто он, и получил ответ: «Я Гамалиил, воспитатель и учитель апостола Павла». Тогда Лукиан спросил его, где искать святые мощи. Получив ответ, он очнулся от сна. Боясь, что сонное видение было диавольским обольщением, пресвитер обратился с молитвой к Богу и просил Его подтвердить истинность видения троекратным его повторением. После этого Лукиан стал поститься, вкушая только сухой хлеб, и усердно молиться. Через неделю ему снова явился Гамалиил и повторил прежнее повеление, а также подробно рассказал, как расположены тела в погребальной пещере: гробница первомученика Стефана — с восточной стороны, праведного Никодима — с северной, его и сына Авива — рядом, на западной стороне. После этого видения пресвитер Лукиан еще более усилил пост и молитву. Через неделю ему вновь явился святой Гамалиил. Пробудившись от сна, пресвитер Лукиан отправился в Иерусалим и рассказал о бывших ему видениях архиепископу Иоанну, который благословил его найти святые мощи. Собрав благочестивых мужей, Лукиан отправился на указанное в видении место. Увидев там холм, все решили, что под ним находится пещера. Лукиан остался на холме для ночной молитвы. В ту же ночь святой Гамалиил явился иноку Нугетию, жившему недалеко от тех мест, и сказал ему, что погребальная пещера находится не под холмом, а вблизи; на холме же полагали тела святых, когда несли их на погребение. Утром Нугетий сообщил о видении Лукиану, который вместе с бывшими с ним начал копать на холме. Тогда пошли в другое место и увидели там камень с надписью «рабы Божии». Под этим камнем был вход в пещеру, где почивали нетленные мощи святых — архидиакона Стефана, Никодима, Гамалиила и Авива. Тотчас об этом сообщили архиепископу Иоанну. Он прибыл к пещере с бывшими в то время в Иерусалиме епископами —

Елевферием Севастийским и Елевферием Иерихонским. Первой открыли гробницу первомученика и архидиакона Стефана. В тот же миг сотряслась земля, в воздухе разлилось благоухание и послышалось ангельское пение: «Слава в вышних Богу и на земле мир!» Во время обретения честных мощей угодников Божиих исцелилось семьдесят три человека. Святые мощи были поставлены на холме для всенародного поклонения. Вскоре там был построен храм во имя святых, чьи мощи обрели. В нем положили мощи святых Гамалиила, Никодима и Авива. Честные мощи первомученика Стефана были перенесены в Иерусалим. Через двенадцать лет они по воле Божией были перенесены в Константинополь.

Некий константинопольский сенатор по имени Александр с женой Иулианией прибыл в Иерусалим на поклонение святым местам. Видев чудеса, совершавшиеся при гробнице первомученика Стефана, он построил каменную церковь его имени и, по благословию архиерея, перенес туда честные мощи святого. Через некоторое время сенатор скончался, завещав своей жене совершить его погребение рядом со святым Стефаном в такой же гробнице.

Вдова почившего Иулиания исполнила его волю и осталась жить при храме. Она была молода и красива, и к ней стали свататься знатные вельможи, но благочестивая женщина желала остаться вдовой. Через восемь лет она, желая избежать поклонников, решила вернуться на родину в Константинополь и взять с собой останки супруга. Получив разрешение, Иулиания приказала раскопать место захоронения и, так как обе гробницы были одинаковы, по ошибке взяла не останки мужа, а святые мощи первомученика Стефана. Когда выехали из Иерусалима, был вечер, и в первую же ночь над святыми мощами стало слышно ангельское пение, а от самих мощей исходило благоухание. Издали слышались крики бесов: «Горе нам, идет Стефан и бьет нас». Услышав это, Иулиания поняла свою ошибку, но решила, что без воли Божией это не могло произойти и продолжила свой путь. По дороге от святых мощей происходили чудесные исцеления болящих. Первомученик

Стефан спас от гибели корабль, на котором перевозили его честные мощи.

В Константинополе святые мощи были встречены Патриархом, клиром и всем народом. На императорской колеснице гробницу повезли во дворец, но по дороге мулы остановились у так называемых «Константиновых бань». Никто не мог сдвинуть их с места. Чудесным образом было открыто, что святой Стефан желает быть погребенным на этом месте. По повелению императора там был построен каменный храм во имя первомученика и архидиакона Стефана, в

котором с честью были положены его честные мощи. Это произошло 2 августа 428 года.

День памяти первомученика архидиакона Стефана особенно торжественно празднуется в Троице-Сергиевой Лавре, где хранится правая рука чтимого святого.

Литература

1. Жития святых, на русском языке, изложенные по руководству Четьих-Миней святителя Димитрия Ростовского. Кн. 12. М., 1911, с. 29—38.

2. Настольная книга священнослужителя. Т. 3. М., 1979, с. 666—667.

В
ТОЙЖЕ
ДЕНЬ



Святáго блаженнаго Васíлия, Христá рáди юрóдиваго, Москóвскаго чудотвóрца

НА МА́ЛОЙ ВЕЧÉРНИ

На Гóсподи, воззвáх: стихíры, глас 8.

Подóбен: О, преслáвнаго чудесé:

Преблаженне Васíлие, / от юности тцáлся еси
стáти в День Сýдный / кроме стрáха и боязни / и
приял еси дерзновéние, / отрíнув всяческия слá-
дости телéсныя, / Христú последовал еси, / собирая
богáтство духóвное, / труды и терпéнием готóву
всегда имéя свещú твою, / и, рáдуясь, возшел еси
на Небесá, / моли спаст́ся душáм нáшим.

Богоблаженне Васíлие, / возненавидев времен-
ная мíра сегó, / умертвил еси вся плотскíя слáдо-
сти, / богоугóдно подвизáясь, / на высотú востéкл
еси добродéтелей / и, вражия кóзни попрáв, /
побéды венéц восприял еси, / от земли престáвив-
ся. / И ныне на Небесí с лiки прáведных веселá-
ся, / моли спаст́ся душáм нáшим.

Богодохновенне Васíлие, / потцáлся еси побе-
дiти сéти лукаваго, / исполненныя невéрия и
слáбости / и всех прелéстных мíра сегó. / Даровá-
ний Святáго Дúха сподóбився, / показáлся еси

юрóд мiру, но Христú мудр:/ подвизáлся еси Цáрства рáди Небéснаго,/ ёже и достiгл еси./ И ныне со Ангелы ликовствуя,/ моли спастiся душáм нáшим.

Слáва, глас тóйже, самоглáсен:

Возлюбил еси Небéсная/ и, возненавидев земнáя, мёрзка сотворил еси я,/ тéсным и скóрбным путём шéствуя,/ победил еси стрáсти мiра сегó./ В терпéнии и страдáнии храбр явився,/ разорил еси вся кóзни вражия/ и почёрпл еси желáнием истóчника благодáтнаго,/ и бысть благодáть Бóжия в сёрдцы твоём,/ и в совершенная предложéния вóли Бóжией себе предложил еси./ Преблаженне Васiлие,/ моли спастiся душáм нáшим.

И ныне, Богорóдичен.

На стихóвне стихiры, глас 2.

Подóбен: Дóме Евфрафов:

Дом чистоты,/ чúдне Васiлие, был еси,/ пищи многия, и добролюбия телéснаго,/ и рiзнаго одеяния не восхотёл еси,/ стрáхом Бóжиим стяжав безмóлвие.

Стих: Прáведник, я́ко фiникс, процветёт,/ я́ко кедр, и́же в Ливáне, умно́жится.

Дом Дúха Свята́го,/ святе Васiлие, был еси,/ дом родiтелей и всех земнóх вещей/ от младéнчества возненавидев/ бúдуция рáди жiзни.

Стих: Насаждéни в домú Госпóдни/ во двóрех Бóга нáшего процветúт.

Дом Христóва благодарéния,/ Богодохновéнно, был еси,/ богáтство сокровéнно в души́ имёл еси,/ возсия лучá светлá благодáти/ в мысли твоёй.

Слáва, глас 5:

Приклонил еси вóпо твою́ от юности/ к Божéственному звáнию, преблаженне Васiлие,/ и, взем ярём спасiтельного словесé Христá Бóга нáшего,/ растóргнул еси сéти вражия/ и попрáл еси всю гордыню егó./ Рáзум непрелéстен стяжав,/ посреде́ молв сохранил еси себе,/ живый с дóльными и ходяй плóтию,/ и, ступáяй дúхом, ви́дел еси

Гóрняя, / и скóро востéкл есѣ к венцѹ вѣшнѣяго звáнѣя. / Моли спастѣся душáм нáшим.

Тропáрь писан на велицей вечерни.

НА ВЕЛИЦЕЙ ВЕЧЕРНИ.

Блажен муж: 1-й антифóн. На Гóсподи, воззвах: стихиры на 8, глас 2.

Подобен: Егда от Древа:

Егда найде на тя Божественное рачение, / Василе чудне, / тогда мирский мятеж оттрясл еси, / усердно последовал еси Христу, / скорбным и тесным путем шествуя, / и был еси земный Ангел, / и явился еси Небесный человек. / Преставився к вечным обителем, / предстоиши в радости святых Христу Богу нашему, / Егоже со дерзновением моли о душах наших.

Егда озарился еси Духом Божественным, / тогда мира вся красная отвергла еси, / ничтоже на теле твоём носил еси от тленных одеяний, / наготовою телесною Христу работая, / желая блаженства вечнаго, презрел еси дольняя. / И ныне предстоиши Христу Богу нашему / во славе со святыми Ангелы, / Егоже со дерзновением моли о душах наших.

Егда, преблаженне Василе, / совлёкся еси тленных одеяний, / тогда облёкся еси в новаго человека, / обновлена Христовою кровию, / отлагая ветхая мудрования, / задняя забывая, на предняя простираяся, / и собрал еси богатство духовное, / и принёсл еси начатки трудов твоих Христу Богу нашему, / Егоже со дерзновением моли о душах наших.

Ины стихиры, глас 5.

Подобен: Радуйся:

Радуйся, Богомудре Василе, / Святаго Духа дарование вниде в помышление твоё, / и весь свободен был еси о Господе, / всех земных вещей жития сего суетнаго. / Предспей добродетельным подвигом и терпением, / юродственное житительство избрал еси, / изменив тленная упованием на Бога, / желая сподобитися Царства Небеснаго. / Хранение положил еси устом твоим / и, ходя путем

заповедей Господних, / победил еси брань непри-
язненну, / чист помысл всегда имел еси, / веры
ради и любви Божия, / и, прием возмездие, / со
Ангелы селение, / моли спастися душам нашим.

Радуйся, преблаженне Василие, / иже во младен-
стве благочестия достигнув, / погасил еси пламень
похотный / и, светом разумным от Бога просвещ-
ся, / тщание прилежно во уме имел еси дне,
хотящаго быти, / и, пременив тленная надежду
будущих благ, / дом и жилище Духа Святаго,
Богомудре, был еси, / сада сады добры в души, /
детели жития святых отец совершая, / и садове
твой благоугодны Господеви, / Иже и по смерти
яви ты нам источника исцелений. / И ныне со
Ангелы на Небеси ликовствуя, / моли спастися
душам нашим.

Радуйся, Богоблаженне Василие, / возненавидев
житие мира сего, / разжегся любовью Господнею,
яко огнем, / попалил еси помыслы гнусныя, / и вся
узы нынешняго жития прелестныя расторгнул
еси, / и благими искушения дара Христова душу
очистил еси, / яко злато в горниле. / И на земли яко
Ангел был еси, подобен Серафиму, / обрет бисера
добра и избрана Небеснаго / и продав имения
твоя вся, / Того единого стяжал еси в мысли
твоей, / и, благодать прием просветительную, /
моли спастися душам нашим.

Слава, глас 8:

Человече Божий, / муже желаний духовных, /
Царствия наследниче, / не премолчи за ны вопити
ко Господу, преблаженне Василие, / и к раце
мощей твоих притекающих дара исцеления сподоб-
и. / И моли воинству нашему даровати на враги
победу и одоление / и нам, творящим память твою,
грехов прощение, / и душам спасение, / и миру
мир и велию милость.

И ныне, Богородичен.

**Вход. Прокимен дне. Таже паремий (зри страни-
цы 113—115).**

На литии стихиры, глас 1:

Иже по благодати Божии, / данней ти, пребла-
женне Василие, / яко премудрый художник, / осно-

в́ание положив в́еру, / добродетельми на гóру
безстра́стия возше́л еси́, / мрак, и мглу, и бу́рю
отразив, / премудростию вы́шнею весь облéклся
еси́, / на высоту́ возше́д, к свéту преложи́лся еси́. /
И в наро́де живы́й, я́ко в столпé пребыва́я, / и
ничто́же восхотéв мíра сегó, / ниже́ на тéле твоём
что от тлénных носив, / А́нгелы удивил еси́ и
челове́ки ужасил еси́, / бэсы посрамил еси́. / И
ны́не во свéте пребыва́я со святы́ми А́нгелы, / моли́
спаст́ся душáм нáшим.

Устрани́вся Гóспода рáди от всех земных, /
отлучи́лся еси́ родителéй и срóдник, я́ко незна-
емь, / от Свята́го Дúха утешéние восприим / и
безтелéсным в телесí ревновáв, / очищéно тéло и
просвещéн ум имéя, / в боголю́бие чистоты́ пришéл
еси́ / и безлénостно Христóу последовал еси́, / Емó-
же в Вы́шних, преблаженне, / со А́нгельскими
чи́ны предсто́я, / моли́ избáвиться нам от лука́в-
ства вра́жия / и спаст́ся душáм нáшим.

Дúхом Бóжиим наставля́емь, / Богоблаженне Ва-
силье, / мирскáя треволнénия оттря́сл еси́ / и
возненавидел еси́ любвé рáди Бóжия. / Вся житей-
ская усérдно оста́вив / и направив нóгу твою́ на
богоугóдную стезю́, / притéкл еси́ ко блаженному
безстра́стию. / Столп крéпости от лица́ вра́жия был
еси́ / и, я́ко Небéсный человек и земны́й А́нгел, /
светильниче неугаса́емый, / отъёмлeши недúги
страстéй / и болéзни исцеля́еши приходя́щим ти с
в́ерою, / моли́ о спасéнии душ нáших.

Слáва, глас 5:

Приидíte, Россй́стии собóри христиáнстии, /
припадём к ра́це Василья чúднаго / и возопиём емóу
с весéлием: / рáдуйся, я́ко от младéнства добру́
лэствицу обрёл еси́, / от всего́ земна́го и тёмных
страстéй прилóга, / без преткновénия к Божé-
ственному Свéту прилагáясь, / скóрбным и тéсным
путём Христóви шéствуя. / Рáдуйся, преблаженне
Василье, / сýлою Христóвою дивен явил́ся еси́ в
житий твоём, / я́коже от чрэва мáтерня изше́л еси́, /
тáко и в наро́де наг ходя́, не срамля́ясь, / мрáза и
жжéния солнечнаго никогдáже уклоня́ясь, / муд-
ре́йшим юрóдством, и терпéнием, и страдáнием

Христу последовал еси. / Радуйся, Богодохновенне Василие, / обретый боговидения восход, / победил еси полки бесовския, / яко Ангел явился еси в житий твоём. / И кто может изчестить чудеса твоя? / В дальних бо странах по морю, яко по суху, ходяща видяху тя. / Радуйся, досточудне Василие, / вся Христова учения делы исполнил еси, / и по преставлении просия светлость жития твоего, / и восприял еси богатство благодатное, / мир просвещая чудесы. / Молись прилежно Христу Богу нашему / даровати Церкви нашей мир, во утверждение веры христианския, / и отечеству на сопротивныя победы / и спастися душам нашим.

И ныне, Богородичен: Храм и дверь еси:

На стиховне стихиры, глас 8.

Подобен: Что вас наречем:

Что ты наречем, Василие чудне? / Ангела ли? Тела бо отвратился еси. / Херувима ли? Яко на тебе почил есть Христос. / Серафима ли? Яко непрестанно прославил еси Христа. / Силы ли? Действуеши бо исцеления. / Многа ти имена и больша дарования, / непрестанно моли спасти души наша.

Стих: Праведник, яко финикс, процветет, / яко кедр, иже в Ливане, умножится.

Что ты наречем, Василие преблаженне? / Наготю тела последовал еси Христу, / мудрейшим юродством прехитрил еси диавола, / сего связая пленницами слез твоих / и богатство нося в души некрадомо, / вся Христова учения делом исполнил еси. / И ныне на Небесех ликуя, / непрестанно моли Христа Бога / спасти души наша.

Стих: Насаждени в дому Господни / во дворех Бога нашего процветут.

Что ты именуем, Василие преблаженне? / Ангельски бо на земли пожил еси безвещественно, / ничтоже имеяй, вся содержал еси. / Явился еси знаемь, в дальних странах чудодействуя, / и Российскую землю чудес зарями просветил еси. / Непрестанно моли Христа Бога / спасти души наша.

Слава, глас 6. Самогласен:

Приидите, святителие и священницы, / и москóв-
стии лю́дие правосла́внии, / и вси россия́стии
собо́ри христиа́нстии, / притеце́м к ра́це Васи́лия
чу́днаго и возопие́м любóвию: / о преблаже́нне
Васи́лие! / Непреста́нно воздежи́ ру́це за ны ко
Го́споду, / моля́ся за Це́рковь на́шу, / и за вся
правосла́вныя христиа́ны, / и за лю́ди Росси́йския
страны́, / изба́витися гра́ду на́шему и всем страна́м
правосла́вия / от гла́да и губи́тельства, / и от
наше́ствия инопле́мённик, и междоусóбныя
бра́ни / и дарова́ти во́инству на́шему на враги́
побе́ду и одоле́ние, / и Це́рквам соедине́ние, / и
ми́ру устро́ение, / и душа́м на́шим ве́лию ми́лость.

И ны́не, Богоро́дичен.

Тропа́рь, глас 8:

Жити́е твоё, Васи́лие, нелóжное, и чистота́
нескве́рна, / Христа́ ра́ди те́ло твоё изнури́л
еси́ постóм и бде́нием, / и мра́зом и теплото́ю
со́лнечною, / и слото́ю* и дождёвным о́блаком, / и
просвети́ся лице́ твоё, яко со́лнце, / и ны́не прихо́-
дят к тебе́ Росси́йстии наро́ди и вси лю́дие, /
прославля́юще свято́е твоё успе́ние. / Тем Христа́
Бо́га моли́, / да изба́вит ны от ва́рварскаго плене́-
ния и междоусóбныя бра́ни / и мир ми́рови пода́ст и
душа́м на́шим ве́лию ми́лость.

Ин тропа́рь, глас то́йже:

Подóбен: Взбра́нной Воево́де:

Якоже бо со́лнце и луна́ нагото́ю своёю не
срамля́ются, / та́ко и ты, уго́дниче Христóв
Васи́лие, наг сый, не срамля́шися, / воспри́ят бо
ри́зу Ада́ма первозда́ннаго, / ю́же он ноша́ше
пре́жде в рай, / ты же сию́ на земли́ поноси́л еси́; / и
был еси́ до́брый купе́ц: / ели́ко имéяще, вся оста́-
ви / и купи́ мздо́ю терпе́ния своего́ селó, / на нёмже
сокровён безце́нный Би́сер, Христóс. / Сего́ ра́ди
яви́ся всем грéшным о́браз пока́яния / и всели́ся в
ра́йскую широту́, / и, предсто́я Христóви, / не
забу́ди град, в нёмже обита́, и лю́ди, преблаже́нне, /
и моли́ спасти́ ду́ши на́ша.

* слото́ю — ненастьем, слякотью

НА УТРЕНИ

На Бог Господь: тропарь, дважды. Слава, и ныне, Богородичен.

По 1-й стихологии седален, глас 8:

Явiвся чуден в терпении твоём, всячески Христу угоди́л еси́, преблаженне Васи́лие, / мудрою мыслию утверди́л еси́ ду́шу твою́, поработив плотская́ мудрования́ духу, / избра́в добра́я, Бо́га ради́ тружда́тися, му́жески глаго́лал еси́: / аще я́ра зима́, но сла́док рай, болезненно́ тружда́тися, но блаженно́ восприя́тие. / Те́мже, преблаженне Васи́лие, моли́ Христа́ Бо́га спасти́ ду́ши на́ша.

Слава, и ныне, Богородичен:

Богородице Цари́це, правосла́вных похвало́, / ерети́ческая шата́ния разори́ и лица́ их посрами́, / не покланя́ющияся, Пречи́стая, образу́ Твоему́ потреби́. / Мы же, ве́рнии раби́, Богома́ти, Сы́на Твоего́, покланя́емся образу́ Твоему́ / и мо́лим Тя в День Су́дный изба́вити нас муче́ния / и сподо́бити Ца́рствия Небе́снаго, Ма́ти Христа́ Бо́га.

По 2-й стихологии седален, глас 2:

Сла́вы и бога́тства не восхоте́в, / вся ни во что́же вмени́л еси́, преблаженне Васи́лие, да Христа́ приобрета́ещи, / Его́же и получи́л еси́ мно́гими труды́ и терпением. / И ны́не зри́ши, ихже око́ не ви́де, и у́хо не слы́ша, / и на се́рдце челове́ку не взы́де, / я́же тебе́ угото́ва Бог, возлюбившему́ Его́. / Те́мже, му́дре, мо́лим тя: моли́ Христа́ Бо́га спасти́ ду́ши на́ша.

Слава, и ныне, Богородичен:

Чу́дная Цари́це Богородице, Пречи́стая Де́во благослове́нная / и от родо́в избра́нная земных на спасе́ние, / ду́шу мою́, во гресе́х вся́ческих лю́те обурева́ему, / наста́ви на стезю́ покая́ния, да воспою́ Тя, ра́дуясь: / благослове́на Ты в жена́х, Всенепоро́чная Влады́чице.

По полиелеи седален, глас 5:

Духо́вно торже́ствуем в па́мять чу́днаго Васи́лия: / сей бо А́нгелы удиви́ и челове́ки празднова́-

ти устрои,/ Христа славити, прославляющего
 святѣя Своя,/ прослави бо его Господь славою,
 юже зрят вси святѣи,/ сея славы сподобися
 получи́ти./ Тем, молящеся, ему́ глаголем:/ не
 забуди нас, творящих святую память твою, да
 зовем ти:/ радуйся, премудре Васи́лие,/ покры-
 вый твоѣ добродѣтели мудре́йшим юродством
 Христа ради./ Радуйся, яко терпеливно Христу́
 раба́тая,/ сосу́дом плоти твоея, наг сый, приѣл еси́
 венѣц нетленны́й./ Радуйся, Васи́лие, хвала́м до-
 сто́йны́й.

Слава, и ныне, Богородичен:

Богородице возопи́ем, ве́рнии, любóвию:/ раду́й-
 ся, Бо́жие селѣние,/ раду́йся, па́дших воста́ние,/
 раду́йся, ме́ртвых воскресе́ние,/ раду́йся, ве́рных
 спасѣние,/ раду́йся, ненаде́жных наде́ждо изве-
 стная,/ раду́йся, святѣ́х славо и весе́лие,/ раду́й-
 ся, А́нгелов торжество́ непремо́лчное./ Радуйся,
 Обра́дованная, Господь с Тобо́ю и Тебе́ ради с
 на́ми.

**Та́же степѣнна, 1-й антифо́н 4-го гласа. Прокі-
 мен:** Возвеселі́тся пра́ведник о Го́споде / и упова́ет
 на Него́. **Стих:** Услы́ши, Бо́же, глас мой, внегда́
 моли́ти ми ся к Тебе́. **Вся́кое дыха́ние: Ева́нгелие
 от Матфе́я, зача́ло 43.**

По 50-м псалме́ стихі́ра, глас 6:

От юности, преблаже́нне, сосу́д избра́н яви́лся
 еси́ / и жили́ще Свята́го Ду́ха был еси́, / кре́постию
 ума́ непоколебѣ́им пребы́л еси́ / и над страстьми́
 воцари́лся еси́, великоду́шне Васи́лие. / Презре́в
 плотская́ одея́ния, / процвѣ́л еси́, яко крин сель-
 ны́й, / оде́явся добродѣ́тельми, яко ри́зою свѣ́та, /
 яви́лся еси́ крепкосто́ятелен протѣ́ву зи́мныя
 я́рости / и со́лнечнаго опале́ния / и нагото́ю те́ла
 твоего́ последовал еси́ Христу́ Бо́гу на́шему, /
 Его́же и Крест на ра́му понѣ́сл еси́, / безпреста́ни
 сраспина́яся Ему́. / Того́ моли́ мир вселѣ́нней
 дарова́ти / и душам на́шим ве́лию ми́лость.

**Кано́н Богороди́цы со ирмосо́м на 6. И свята́го
 два канона́, на 8. Кано́н пе́рвый, глас 8.**

Песнь 1

Ирмос: *Посэченный несекомаго пресечэ, / и вйде со́лнце зéмлю, ю́же не вйде, / лю́таго врага́ вода́ пото́пи, / и непроходи́мое про́йде Изра́иль. / Песнь же воспева́шеся: / Господеви по́йм, сла́вно бо просла́вися.*

Оде́йся свéтом, я́ко ризо́ю, оде́я тя, Васи́лие чу́дне, ризо́ю безстра́стия. / Тэ́мже взима́яся ду́хом к Божэ́ственному видéнию и озари́вся благода́тию Бо́жия про́мысла, / страна́ен показáлся еси́ от всех сродни́к и зна́емых, / и пресели́лся еси́ к сродству Небэ́сному, и ны́не живёши жизнь безконéчную.

Показáлся еси́ Росси́йстей земли́ свети́ло вели́кое, / просвещáя нас свéтом твои́х добродéтелей. / И кто мо́жет изчести́ мно́гия по́двиги и труды́ тво́я, / и всенóщная сто́яния, и ины́х мно́жества к сим добродéтелей, / имже возмэ́дие от Бо́га при́ял еси́?

Ума́ челове́ча превзы́де чин, дивное на земли́ жити́е пожил еси́, / бдя, и моля́ся, и тружда́яся, и наг на земли́ скита́яся, / не имéя где главы́ подклонíти, во всем животé твоём. / И сегó ра́ди всели́лся еси́ во обители́ Небэ́сныя, / мно́ги бо, рече́ Господь, обители́ в дому́ Отца́ Моего́, по мéре добродéтелей.

Богорóдичен: *Кóе спасéние ино́ таково́, я́коже Ты, Пречи́стая Богорóдице, / крёпкое помо́жение и тёплое заступлéние? / Изба́ви ду́шу мою́ от сéти диа́воли, / Ты бо еси́ всех земны́х спасéние, / спаси́ и мене́, лю́те потопля́ема волна́ми грехо́вными, / моли́твами уго́дника Твоего́ Васи́лия.*

Други́й канон, глас 2.

Песнь 1

Ирмос: *Во глубинé постла́ иногда́ / фараонíтское всево́инство преору́женная си́ла, / вопло́щшея же Сло́во всезло́бный грех потреби́ло есть, / препросла́вленный Господь сла́вно бо просла́вися.*

Возлюбивы́й усёрдно Господа́ и желáтельно подвизáяся дости́гнути Ца́рства Небэ́снаго, / просвети́лся еси́ Божэ́ственной благода́тию; / тёмныя о́блаки ду́ши мое́я разгони́, и ум ми озари́, / и

отвѣрзи ми устнѣ к пѣнію, восхвалити тя, преблаженне Васілие.

Антоній Великій рече: имѣющим здрав ум не требовати писанія; / на тебѣ же сбѣется, премудре Васілие. / Главѹ твою всегда имѣя к Небесѣмъ возведену, очима же Горняя зря, / умѣ чистотою тѣшлся еси ко Адаму и к верному Аврааму.

Странен срѣдник твоихъ был еси, и ближнихъ любве чуждъ, / и во твоѣмъ языкѣ, яко иноязыченъ, во иномъ же в разумѣ седѣи. / И ничтоже от земныхъ одежій на тѣлѣ твоѣмъ носил еси, якоже Адамъ, / дондеже не видѣл еси обнаженія души твоея, / ниже безобразіе плоти твоея познал еси.

Иже себѣ познавѣи, постигл еси страхъ Господень, / разжжение плотское хладомъ Святаго Духа угасивъ, / всегда душевными очима на умныя силы взирати избѣдил еси / и преплыл еси великую сию житѣйскую пучину жестокии путемъ, Богоблаженне.

Богородичен: Владычице, Мати Божія Пречистая, Благословенная и Пренепорочная, / души моея струпы исцели и страсти плотскія умертви, / ум мой от всякаго вреда вражия и напастей изми, Богородице.

Катавасія: *Крест начертавъ, Моисей:*

Песнь 3

Ирмос: *Небеснаго круга Верхотворче, Господи, / и Церкви Зиждителю, / Ты мене утверди в любви Твоей, / желаний краю, верныхъ утверждение, / Едине Человеколюбче.*

Дымъ, и прахъ, и сень вменил еси красная вѣка сего / и ничтоже от любве Христова паче избѣдил еси, / Сего желая насытитися славы и веселія присносущнаго, / в нѣже желаютъ Ангели приникнути. / И, сихъ радости получивъ, предстоиши во свѣтѣ Святей Троице, радуясь, / Ейже молися за ны, преблаженне Васілие.

Воцарився надъ страстьми, великодушне Васілие, / одолѣл еси плотское желаніе, и явился еси чистоты сокровище духовное, / и сего ради приял еси тавлу* белу, на нейже написано имя ново,

* тавлу — доску

дѣивно, невѣдомо. / И не бысть на души твоей скверны, ни враски *: / убелѣл бо еси ю токи слез твоих, и ныне непрестанно радуешься.

Вѣру неоскудну в души имѣя, преблаженне, данный тебе талант трудолюбно возделал еси / и приѣл еси власть над десятию градовъ добродѣтелей, / бѣсы прогонѣти, прокаженныя очищати, / разслабленныя быстро ходити, слѣпя просвещати, / и усугуби дар всем исцелѣния, творѣщим святую память твою.

Богородичен: Аз, Дѣво Святая Богородице, надежду имѣя на Тя, спасаюся. / Разгони, Владычице, враги души моея и направи мя на путь жизненный, да, спасся, вопию Ти: / радуйся, Помощнице мѣра, надежно христианская. / Радуйся, Господь с Тобою, Благословенная.

Ин

Ирмос: На камени мя веры утвердив, / расширил еси уста моя на враги моя, / возвесели бо ся дух мой, ввсегда пѣти: / несть свят, якоже Бог наш, / и несть праведен, паче Тебе, Господи.

Любовию Божиею угасил еси любовь родителей, / меч же духовный всегда воздвизая, имже волю хотѣния твоего отсекая, / утвердил еси стопы разума твоего на камени любви Христовы.

Иже о твоей плоти не пѣкся, жизнь мѣра сего возненавидел еси / и о плотскихъ небрегъ еси, / всегда подвизаяся умъ чистъ к Богу представить. / И принѣсл еси себѣ, яко непорочно и благоприятну Великому Архиерею жертву.

Еже стяжал еси отъ младенства верою несумненною смиренномудрие / и совершенную к Богу любовь / и, вся чувства поработив, яко безстрастенъ был еси, / умъ отъ твари возвысив, лицу же Господню душу представил еси.

Богородичен: Спаси мя, Мати Божия, спасѣния начало мѣру явльшися, / и избави молвы, и нечистыхъ страстей, и всякия противныя скорби, / да славлю Тя, Богородице.

* враски — порока

Седáлен, глас 8.

Подóбен: Яко Всенепорóчная:

От земных на Небесная помыслив и делом совершив, / красная мира сего во уметы вменил еси, Христа ради юрод быв на земли, / терпением и жестоким подвижением сын света показался еси / и в Царствии Небесном светло зриши Святую Троицу, преблаженне Василие. / Юже моли согрешенный оставление даровати / празднующим любовию святую память твою.

Слáва, другóй седáлен, глас 4:

Быв дом Божий и жилище Святаго Духа, блаженне Василие, / церковь тела твоего непорочну соблюл еси, / и, пришед, вселися в тя Отец, и Сын, и Святой Дух / и дарова тебе терпение, и мужество, и храбрость духовную, / и несмутною мыслию по Божественному пути шествовати. / И, прием дар исцелений, моли Христа Бога спасти души наша.

И ныне, Богорóдичен:

Красоте Твоей, Богорадованная, Архангел Гавриил предстоя, дивляшеся и вопияше Ти: / О Невесто Неискусобрачная, Отроковице неблазненная! / Како Ти изреку прежде век сокровенную тайну? / Ты бо еси Небесным и земным соединение. / Радуйся, Обрадованная, Господь с Тобою.

Песнь 4

Ирмос: Пророк Аввакум умными очима / провиде, Господи, пришествие Твое, / тем и вопияше: / от юга придет Бог. / Слава силе Твоей, слава низхождению Твоему.

Был еси под владыкою учинен Христова повеления, / и повелевая рабу своему, телу, сотворити службу свою, Христу работая, / и покорил уму, владыце, страстные помыслы, и был еси сын послушания, вопия Христу: / силе Твоей слава, Человеколюбче.

Имеющим цел ум не требовати писания, — рече Великий Антоний. / На тебе сие сбывается, премудре Василие: / не учився книгам, вся разумел еси Божественная Писания, / непрестанно поя Христу: / силе Твоей слава, Человеколюбче.

Во граде, яко в пустыни, живый, преблаженне Василие, / и ни от чегоже смущаяся, но венчался еси ради трудов твоих, / посещая вдовицу, якоже Илиа пророк сарептяныню, / и поя песнь немолчную: / силе Твоей слава, Человеколюбче.

Богородичен: **И**же Отцу и Духу Собезначальный от Тебе изволи родитися нашего ради спасения / и дарова Тя роду христианскому теплую Заступницу / и в бедах скорую Помощницу. / Темже, Мати безмужная, поклоняемся верно Рождеству Твоему.

Ин

Ирмос: **П**ришел еси от Девы, не ходатай, ни Ангел, / но Сам, Господи, воплощся, / и спас еси всего мя, человека. / Тем зову Ти: слава силе Твоей, Господи.

Мира сего вся возненавидел еси, плоть духу поработив, / и, удалившуся тебе телесныя любви, в юродство претворился еси, / добре рассмотрив преити тяжкую пучину, успех прияти сподобился еси, чудне Василие.

Омрачение возненавидев греховное и пламенем чистоты пресек пламень, / терпением и мудрейшим юродством, яко златыми крилами, на Небеса возлетел еси / и равноангельную достиг еси степень.

Любовию Христовою сродников отрелся еси и над страстьми царь показался еси, / скорбным путем шествуя, и, достигнув пространныго жилища, / нас, плененных греховными страстьми, свободи, преблаженне.

Богородичен: **К**ров, и заступление, и прибежище буди ми, Дево, рабу Твоему, / и исцели мя от безмерных зол, да пою, Пречистая: / слава Рождеству Твоему.

Песнь 5

Ирмос: **М**рак души моей разжен, Светодавче Христе Боже, / началородную тьму изгнав бездны, / и даруй ми свет повелений Твоих, Слово, / да, утренюя, славлю Тя.

Процвет, яко кипарис, посреде земли Российския, угодниче Христов Василие, / принес еси

плоды́ дѹха во мно́зе терпѣнии, / безымѣнство, и телѣсное удручѣние, и от бесѡв и злыхъ челоуѣк озлоблѣние. / Сего́ ра́ди при́ял еси́ ны́не вѣчное утешѣние.

Сѣла бо Моя,— рече́ Господь,— в нѣмощи соверша́ется. / Се бо на тебѣ соверши́ся Бѡжие смотре́ние, чѹдне Васи́лие, / сѣлою Христовою дѣивен яви́лся еси́ в жити́й твоѣм, / зло стражда́, никакоже болѣзни ошуща́л еси́: / облегчеваше́ ты желаніе бѹдущихъ благъ, яже получи́л еси́.

Званіе твоѣ не от челоуѣк бысть, но от Бѡга, премѹдре Васи́лие. / И, я́ко елѣнь, жаждя́, на исто́чники воды́ живы́я потѣкл еси́, / напитава́я дѹшу Христовою любѡвию, и ктому́ никакоже от зно́я грехѡвнаго вжажда́лся еси́: / укрепѣ́ бо ты на се Царь ми́ра.

Богорѡдичен: А́нгели и Арха́нгели, Херувѣми и Серафѣми многоочѣттии, / Нача́ла, и Вла́сти, и Господствія раболѣпно поклоня́ются Рождеству́ Твоему́, Богорѡдице, / сла́вяще Тя, Влады́чице. / Тѣмже и мы, Ма́ти Преблагословѣнная, поклоня́емся со страхомъ и мо́лим Тя: / спаси́ дѹши на́ша.

Ин

Ирмос: Просвѣщѣние во тьме лежа́щих, / спасѣние отча́янных, Христе́, Спа́се мой, / к Тебѣ ѹтренюю, Царю́ ми́ра, / просветѣ́ мя сия́нием Твоѣм: / ино́го бо, ра́зве Тебѣ, бѡга не знаю́.

Иже до трѣтѣяго небесе́ возше́дый рече́: мы юрѡди Христа́ ра́ди. / Ты же, преблаже́нне, по благода́ти в таково́е юрѡдство преложи́лся еси́, / досаждѣние неразу́мныхъ люде́й претерпѣв, и ко́зни бесѡвскія попрал еси́, / и я́ко А́нгел на землѣ́ яви́лся еси́ нам.

Бѡга ра́ди жити́е сла́вы ми́ра сего́ от младенства возненави́дел еси́, / возлюбѣв нищету́ и терпѣние, / огнемъ печала́и очны́я слѣзы изсуши́л еси́ / и вся ско́рбная претерпѣл еси́, преблаже́нне Васи́лие.

Премѹдростию Бѡжиею просвѣщен еси́, / огоньъ веще́ственный невеще́ственнымъ угасѣв, / и чисто́тою жити́я твоего́ безтелѣснаго во́инства усвоѣ́нию сподѡбился еси́.

Богорѡдичен: Исто́чаеши исцелѣ́ний стру́и боля́щим, Де́во, всѹду, / Тя бо исто́чника показá

милосердія, Владычице, милости Господь, / из Тебѣ рождейся паче ума.

Песнь 6

Ирмос: Якоже пророка избавил еси / из глубины преисподняя, Христе Боже, / и мене от грехов моих избави, яко Человеколюбец, / и управи живот мой, молбюся.

Кто может изчести чудеса премудраго Василия, / егоже видяху по морю шествующа немощно, яко по сушу, / и видяху невернии языцы, дивляхуся и, пришедше в Россію, повѣдаху: / мы, — рекоша, — видехом такова человека, по морю шествующа; / истинно бо свидѣтельство и от враг приносится. / Мы же глаголем: слава Богу, творящему чудеса дивная.

Уподобился еси, премудре Василие, всеми нравы и обычаем / Симеону, юродивому Христа ради, и Андрею Цареградскому, / и Великому отцу Макарию, и Онуфрию, и Павлу Фивейскому, / и Максиму чудному, и Прокопию Великому. / С нимиже сожитель явился еси во Царствии Христа Бога нашего.

О премудре Василие, чудный житием и разумом! / Молим тя, блаженне: / моли Христа Бога нашего за люди православныя, / и всем верным спасение испроси, и миру мир, и от грех свободение, / и умоли Царствию быти наследником.

Богородичен: Кто нас избавит от муки вечныя и от смерти душевныя, / аще не Ты воздежеша пречистей рuce, Богородице, Сыну Твоему и Богу нашему? / Да спасет ны, ниоткудаже имущия помощи, / Твоим покровом, Преблагословенная.

Ин

Ирмос: В бездне греховней валяясь, / неизследную милосердія Твоего призываю бездну: / от тли, Боже, мя возведи.

Остр ум всегда к Богу имев, / яко нечувствен ко всем житейским был еси, / вся же коварства лукаваго, яко сеть, расторгнул еси / и пресветлое светило миру показался еси, Богоблаженне Василие.

Ду́хом Бóжиим наставля́емь, благою́родиве, / чи-
стоту́ естества́ твоего́ преесте́ственну, / небесо-
подража́тельное жити́е имёл еси́ и ангелолéпное
видéние. / Тёмже моли́ спастися нам от враг
на́ших.

Ангел жити́ем на земли́ показáлся еси́, / и, на
гору́ безсмёртия возше́д добродéтельми, Ангель-
ския полки́ удивил еси́, / и на враги́ храбо́рник
чуден показáлся еси́. / И ны́не посóбствуй во́ин-
ству на́шему, преблаже́нне, / да твоими́ моли́твами
проти́внии побежда́ются.

Богородичен: Ру́ки Твоя́ пречи́стыя, Де́во Ма́ти,
просте́рши, / покрый на Тя наде́ющияся и Сы́ну
Твоему́ зову́щия: / всем пода́ждь, Христé, ми́лости
Твоя́.

Конда́к, глас 4:

Ду́хом Бóжиим водим, преблаже́нне Васи́лие, /
оттря́сл еси́ мирский́ мяте́ж, / и жити́я тревол-
не́ния возгнуша́лся еси́, / и, совлéкся оде́йний
тлéнных и облéкся в ри́зу безстра́стия, / убежа́л
еси́ ловле́ния льсти́ваго миродéржца, / и был еси́
стра́нен во твоём язы́це, / и, па́че земна́го богáт-
ства избра́в богáтство Небе́сное, / увязл еси́
венце́м терпе́ния. / И ны́не, преблаже́нне Васи́лие,
моли́ Христа́ Бóга / о творя́щих святу́ю па́мять
твою́, да зове́м ти: / ра́дуйся, преблаже́нне
Васи́лие.

И́кос:

Трудолю́бному жити́ю твоему́ А́нгели удиви́ша-
ся, / му́жески бо воста́л еси́ на естество́: / разумéв
непостоя́нное жити́я сегó, совлéклся еси́ оде́йний /
и, наг сый, стал еси́ проти́ву ко́знем диа́вольским, /
я́коже хра́брый ратобóрец, по словеси́, пребла-
же́нне, апо́столу: / несть на́ша брань к кро́ви и
плóти, / но к нача́лом, и ко власте́м, и к миродержи́-
телемъ тьмы ве́ка сегó. / И, сему́ нагото́ю телéсною
сплётся до́блественне, / ни от ко́еяже стра́сти
победи́лся еси́, но всех сетей́ убежа́л еси́ гóрдаго
велиа́ра, / прескочив про́пасть а́дову, ю́же изры́
враг между́ Ла́зарем и богáтым, / и ны́не у Авраа́ма
на лóне почивáеши, отнесён святы́ми А́нгелы. /

Моли́ся, преблаже́нне, Христу́ Бо́гу на́шему о
творящих святу́ю па́мьятъ твою́, да зове́м ти: /
ра́дуйся, преблаже́нне Васи́лие.

Песнь 7

Ирмо́с: *На по́ле Де́йре / иногда́ мучи́тель пещь
поста́ви на муче́ние Богоно́сных, / в не́йже три
о́троки песносло́вяху еди́наго Бо́га, / тро́ично
воспева́ху, глаго́люще: / отце́в Бо́же, благослове́н
еси́.*

День Госпо́день всегда́ пред очима́ зря, премуд́ре
Васи́лие, / предсто́ял еси́ наг, я́коже суди́щу
нелицемерно́му Сы́на Бо́жия, / и послужи́л еси́
Вла́дще твоему́ во мно́зе терпе́нии, воспева́я: /
оте́ц на́ших Бо́же, благослове́н еси́.

Разуме́в, блаже́нне Васи́лие, я́ко ничто́же
ну́жнее ду́ш, за ню́же Христос́ умре́ и воскресе́, /
не оскверни́л еси́ ри́зы душе́вныя, ю́же при́ял еси́
от свята́го Креще́ния. / И ны́не, предсто́я Христу́,
взыва́еши: / отце́ц на́ших Бо́же, благослове́н еси́.

Ничто́же разлучи́т мя от любве́ Христóвы, — сия́
преблаже́нный Васи́лий глаго́лаше, — / ни вы́сота,
ни глубли́на, ни А́нгели, ни Си́лы, ни сла́ва, ни
бога́тство, / ничто́же бо хо́щю кра́сных ми́ра сегó,
па́че Иису́са сла́дкаго, Ему́же вопи́ю: / отце́ц на́ших
Бо́же, благослове́н еси́.

Богоро́дичен: *П ре́жде рожде́ства пребы́сть Де́-
вою Ма́ти Сы́на Бо́жия / и по рожде́стве яви́ся
па́ки Де́ва: / Бог бо бе, иде́же хо́щет, побежда́ются
естества́ чи́ни. / Ты бо яви́лася еси́ село́ простран-
но Сы́на О́тца, Благослове́нная, Ему́же вопи́ем: /
благослове́н Бог отце́ц на́ших.*

Ин

Ирмо́с: *Богопро́тивное велéние / беззакóнну-
ющаго мучи́теля вы́сок пла́мень вознесло́ есть, /
Христос́ же простре́ Богочестивым отро́ком росу́
духовну́ю, / Сый благослове́н и препросла́влен.*

Твёрдый ду́шею адама́нт показáлся еси́, блаже́н-
не, / войстинну́ жити́е твоё па́че естества́, я́коже в
ка́ющихся оби́тели, / и осяза́нием и сла́стми́ ми́ра
сегó безстра́стен пребыва́я, / ве́лий же от видéния
пребы́л еси́ без вре́да.

Испóлнился есѣ Святáго Дúха благодáти, разумév Госпóдне благовéстие, / ширóкий и прострáнный путь, вводяй в пáгубу, возненавѣдел есѣ и возлюбѣл есѣ безмóлвие; / тésным и прискóрбным путём Христú послéдуя, / от земнýх к Небésным обѣтелем преслáвно возшёл есѣ.

Благодáрное сие пéние, приносѣмое тебé, не прézри, преблажénне, / но мѣлостивно приимѣ и рáдости духóвныя испóлни нас, / умоли́ Гóспода подáти Цérкви нáшей утверждéние и мѣру устроéние.

Богорóдичен: Благоутрóбия мѣлости имúщи, смирénныя моея́ душѣ не прézри, / вёрно молю́ Тя, Отрокови́це, / но ущéдри вскóре, и спасѣ мя от пучѣны согрешéний моѣх, / и, обнóвльши благодáть Твою́ на мене, просветѣ, Дéво Чѣстая.

Песнь 8

Ирмос: Победѣтели мучѣтеля и пла́мене / благодáтию Твоею́ бѣвше, / заповедем Твоѣм зело́ прилежа́ще, / óтроцы вопи́яху: / благословѣте, вся делá Госпóдня, Гóспода.

Вѣдя Госпóдь труды́ твоя́ и мнóгия пóдвиги, чудес́ даром обогатѣ ты, / просия́л бо есѣ на свéщнице Христóва сия́ния, / и яви́ ты вселénней зна́ема рáди чудес́ исцелéния, / и вси вопи́ют с тобою́, преблажénне: / благословѣте, вся делá Госпóдня, Гóспода и превозносите́ Егó во вéки.

Слы́шал есѣ, премúдре Васѣлие, Спа́сову заповедь: / áще, речé, человекъ весь мир приобря́щет и отщетѣт дúшу свою́, / чтó даст измéну на душѣ своéй? / Ты же сие́ в сёрдцы твоём скры́л есѣ / и пéклся есѣ, кáко угоди́ти Бóгу, Емúже взывáеши: / благословѣте, вся делá Госпóдня, Гóспода и превозносите́ Егó во вéки.

Ничѣмже мéньши прézжих святýх, чúдне Васѣлие, яви́лся есѣ, / изрýден мнóгими труды́ и пóдвиги и тáйными к Бóгу молѣтвами, / áще человекомъ и невéдомы, но Бóгом вся зрѣмы и вéдомы, Емúже вопи́еши: / благословѣте, вся делá Госпóдня, Гóспода и превозносите́ Егó во вéки.

Богорóдичен: Благословѣте, вся делá Госпóдня, Гóспода, рóждшагося от Дéвы Марѣи, / и спáсшаго

всероднаго Адама от падения, / и вознесшаго паки
человечество на высоту Небесную, / и сидящаго
одесную Отца, Емуже вопиют вси Ангели: / да
благословит вся тварь Господа и превозносит Его
во веки.

Ин

Ирмос: В пещь огненную ко отроком еврейским
снизшедшаго / и пламень в росу преложшаго
Бога / пойте, дела, яко Господа, / и превозносите во
вся веки.

Огнь страшный разумевая, земных ничтоже
возлюбил еси. / Печалию душевною и глубоким
сетованием ум во глубину смирения погрузил еси, /
желая вселиться в Небесное Царство, / еже и
получив, ныне радуешься радостью безконечною.

Равноангельную честь достойно получил еси,
преблаженне Василие, / и, со безплотными Богу
предстоя, призираи на ны с Небеснаго круга,
радости подателю, / и возсияй свет твой нам, яко
да видим твой чудеса.

Имже образом желает елень палим на источни-
ки, / сице и ты, преблаженне, всегда подвижаяся,
желал еси Божественнаго хотения / и вся благо-
угодно Господеву совершил еси. / И ныне со
святыми поеши непрестанно: / пойте, вся дела,
Господа и превозносите Его во веки.

Богородичен: Лукаво время живота моего и
всякия злобы исполнено, / сатане лукавому люте
мя смущающе, / Ты мя исторгни того, Богороди-
тельнице, пакости, / на Тя бо все возложих чаяние
мое, / спаси мя Твоими бодрыми молитвами.

Песнь 9

Ирмос: Благословен Господь, Бог Израилев, /
воздвигнувший рог спасения нам / в дому Давидове,
отрока Своего, / в нихже посети нас восток с
высоты / и направил ны есть на путь мира.

Якоже рече Христос, самая Истина, внутрь вас
есть Царство Небесное. / Ты бо, Василие чудне,
был еси сын и наследник Царствия Божия, / еже
скрыл еси внутрь себе добродетельми. / Сего ради
ты вси ублажаем, Христа величающе.

Бдите,— рече Господь,— и молитесь, не весте бо дне и часа, како придет Сын Божий. / Ты же, праведне Василие, всегда готов сый, / ожидаал еси пришествия Христа Царя Небеснаго, / Егоже и радостно усрел еси и приял еси блаженство вечное, Христа величая.

Егда преставился еси, преблаженне Василие, / тогда стекошася цари и князи и вси собори российстии, / юноши и девы, старцы со юнотами твоим честным мощем поклонитися, / и воскликнуша купно вси память вечную, Христа величаяще.

Богородичен: Возвеличим Матерь Бога нашего, Юже поют вси Ангели и Архангели, / и вси роди и колена поклоняются / и блажат от ныне и до века, вопиюще: / радуйся, о Благодатная, Господь с Тобю.

Ин

Ирмос: Безначальна Родителя Сын, Бог и Господь, / воплощся от Девы, нам явися, / омраченная просветити, собрати расточенная. / Тем Всепетую Богородицу величаем.

Святым Духом утешение стяжав, умных сил имел еси жителство, преблаженне. / Тем светосносную твою память похваляюще, молим: / исполни нас радости и веселия духовнаго.

Умом и душею украшен, преблаженне, / и многострадальным житием светло просия память твою, / и мы, благодатными твоими лучами просвещаясье, бед и недуг избавляемся.

Благая восприял еси на Небесех, / и обрел еси радость неизреченную, и нас просветил еси чудесы, / и ныне пребываеши со святыми Ангелы во свете Святыя Троицы, преблаженне Василие. / Сего ради ты величаем.

Богородичен: Ангельстии собори Тя, Богородительнице, славят, / и человечестии роди песньми Тя почитают непрестанно, / Ты бо Божественным Рождеством земная с Небесными совокупила еси, / тем Тя почитаем.

Светилен:

Свет Христов вселися в сердце твоё, Василие чудне, / совлёкся бо еси ветхаго человека и

явѣлся еси нов, / горя дѣхом по Христовѣ заповѣди. / И, умножив талант трудов твоих, / явѣлся еси чуден в дальних странах / и Россійскую зѣмлю просветил еси, чудес зарю испущая. / И ныне предстоиши во свѣте Святыя Троицы, радуясь.

Слава, и ныне, Богородичен:

Свет рождши душ наших, Богородице, Христа, от Отца возсиявшаго / и отгнавшаго тьму идолобесия, просветившаго вся верныя / и даровавшаго нам быти благодатию чадом Божиим, / во свѣте присносущем водворятися и Дѣхом Божиим освящаться, / Тя воспевающим.

На хвалитех стихиры на 4, глас 6.

Подобен: Всю отложивше:

Все отлож мирское мудрование, / потекл еси, радуясь, / в след Христа Бога нашего. / Ему же во всем животѣ твоѣм неложно работая, / показал еси труды и подвиги, / и пользу многим сотворил еси, / и убелил еси ризу душевную / снега белейши, / да, во всем послушлив быв Христу, / со дерзновением молися о душах наших.

Вся оставил еси Христа ради: / отца и мать, / жену, и чад, и сродствия, / села и имения, / презрев плотская мудрания, / купно сверг и телесная одеяния, / был еси Христов ученик избранный / и во всем послушлив Тому явѣлся еси. / Его же со дерзновением моли о душах наших.

Весь возложился еси, мудре Василие, / на щедроты Бога нашего, / уповая получить Царство Небесное, / еже и получил еси / против трудов твоих. / И ныне не забуди град и люди православныя, / избави от глады телеснаго, / вкупе же и душевнаго, / во всем бо угодил еси Христу, / Его же со дерзновением моли о душах наших.

Слава, глас 8. Самогласен:

Страх Господень вселися в сердце твоѣ, / и от сего разумел еси лучшая, / еже по Божественному пути шествовати. / И явѣлся еси равен святым отцем, Макарию и отцу Онуфрию, / и Павлу Фивейскому, и Максиму чудному, и Прокопию, / сих подражатель изряден был еси, / Ангельскаго и

безвещественнаго житія. / И, якоже Ангел свѣта,
неизмѣнно рабѣтая твоему Владыце, / преблажен-
не Васілие, / моли спасти души наша.

И ныне, Богородичен.

НА ЛИТУРГІИ

Блаженны, от 1-го канона песнь 3-я и от 2-го канона песнь 6-я. Прокимен: Возвеселится праведник о Господе / и уповает на Него. **Стих:** Услыши, Боже, глас мой, внемди молитвѣмъ к Тебѣ. **Апостол к Галатам, зачало 213.** Аллилуія, **глас 6:** Блажен муж, бойся Господа в заповѣдех Его восхощет зело. **Стих:** Сильно на земли будет семя его. **Евангелие от Матфея, зачало 43. Причasten:** В память вѣчную:

Моли́тва

О великий угодниче Христов, истинный друже и верный рабе Всетворца Господа Бога, преблаженне Васілие! Услыши ны, многогрешныя, ныне вопиющія к тебѣ и призывающія имя твоѣ святоѣ, помилуй ны, припадающія днесь к пречистому образу твоему, прими малое наше и недостойное сие молѣние, умилосердися над убожеством нашим, и молитвами твоими исцели всяк недуг и болѣзнь души и тѣла нашего грешнаго, и сподоби ны течѣние жизни сей невредимо от видимых и невидимых врагов безгрешно преити, и христіанскую кончину, непостыдну, мирну, безмятежну, и Небеснаго Царствія наслѣдие получитьи со всеми святыми во вѣки веков. **Аминь.**

И́на моли́тва

О великий угодниче Христов, преблаженне Васілие! Припадающе к раце мощей твоих, с верою лобызаем честный твой образ, чающе от него сілою Божию получитьи исцелѣние душ и телес наших, прославляем величество Вседержителя Бога, Егѣже ты душею и тѣлом твоим в жизни сей прославил еси, ублажаем твердость веры и любви твоея ко Господу Саваофу, проповѣдуем крѣпость твоего дѣха и, воспоминающе великия подвиги добродѣтели твоея, вопиѣм к тебѣ из глубины сердец наших: не премолчи вопити за ны ко Господу Богу, тѣлом бо твоим пребываеши с нами на землі, дѣхом же почиваеши на Небесі во

объятиих Зиждителя твоего. Предстательством убо твоим у Престола неприступныя славы, испроси, да почиет и на нас Дух Божий, дух премудрости и разума, дух совета и крепости, дух ведения и благочестия и страха Божия, и да не презриши многогрешных наших молений. Се мы, предстояще в храме, посвященном имени твоему святому, восписуем ти похвальная сице: радуйся, богоблаженне Василие, яко ты, возненавидев временная мира, богоугодно подвизался еси и на высоту добродетелей востекл еси. Радуйся, яко потщался еси победити страсть со всеми порочными ея склонностями и дарованиями Святаго Духа сподобился еси. Радуйся, яко показался еси миру юрод быти, чистотою же души мудр Божии явился еси. Радуйся, яко в терпении и страдании храбр явился еси и вся стрелы лукаваго разжженных погасил еси. Радуйся, яко желанием от источник израилевых всегда почерпая, благодати Божия преисполнен был еси. Радуйся, яко, взем ярем спасительнаго словеса Христа Бога нашего, попрал еси всю гордыню мира. Радуйся, яко посреде молв безмолвие сохранил еси, мысль твою быстро устремляя к Горним. Радуйся, яко ты мечем духовным волю хотения твоего отсецал еси и стопы разума твоего утверждал еси на камени любви Христовы. Радуйся, яко совлеклся еси тленных одеяний и облеклся еси в новаго человека, обновлена кровию Христовою. Радуйся, яко в место тленных богатство духовное собрал еси и начатки трудов Христу Богу нашему принесл еси. Радуйся, яко и по смерти Господь яви тя нам источника исцелений. Радуйся, яко, славы и богатства не восхотев, вся в ничтоже вменил еси, да Христа приобретаеши, Егоже и стяжал еси многими труды и терпением. Радуйся, яко ныне, соединяясь с Богом, непрестанным Его зрением наслаждаешься и обитаеши во блаженней вечности. Радуйся, яко насыщаешься благими, ихже око не виде, и ухо не слыша, и на сердце человеку не взыдоша, яже уготова Бог тако возлюбившему Его, поспешествуй убо молитвами твоими, избранниче Божий, да и мы на земли, совокуплены

крепчайшим любви Божия союзом, великодушно понесем благое Евангелия його и благодатию Святаго Духа да сподобимся вкусити и насыщати-ся вечно с тобою Небесных немерцаемых благ. **Аминь.**

Ину молитву зри на страницах 98—99.



**Ина служба святаго блаженнаго Васілія,
Христá ради юродиваго, Московскаго чудотворца**

НА ВЕЧЕРНИ

На Господи, возвах: стихіры, глас 5.

Подобен: Преподобне отче:

Премудрый юроде, богоблаженне Васілие, /
вельми подвизася во временней жизни / зимю, и
знюем, и мразом, / образ быв терпения видящим
тя, / ныне убо ликуеши с безплотными силами, /
Христá безпрестани славословя, / Иже от Отца
прежде век рожденна / и нас ради от Девы послеж-
де воплощенна. / Того убо моли, Тому помолися,
святче, / даровати Церкви нашей утверждение / и
людem ея единомыслие.

Терпеливе святе, богомудре Васілие, / вельми
потрудися во днех здешния жизни / наготою, и
алчбою, и жажду, / прописание быв хотящим о
мирских небрежцѣх, / ныне убо веселишися со
святými Ангелы, / Христá непрестанно славосло-
вя, / Иже на Кресте нас ради распеншагося / и от
мертвых тридневно воскресшаго. / Того убо моли,
Тому помолися, блаженне, / даровати Церкви
единомышление / и душам нашим велию милость.

Твердый адаманте, непреклонный столпе, / кто
доволен еже во плоти твое жителство сказати? /
Правило бо был еси всем хотящим не любити
мира. / Ныне убо, радуяся со всеми святými, /
Христá выну песнословя, / хотящаго приити со
славою судити вселенней в правду, / Того убо
моли, Тому помолися, чудне, / даровати земли
гобзование плодов / и живущим на ней в Правос-
лавии утверждение.

Слава, глас 6. Самогласен:

Приидите, москóвстии нарóди, / стецýгтеся, все
российское Правосла́вие, / приступите, всяко до-
стояние и вóзраст весь, / ко грóбу чудотворца
премýдраго, юрóда Васи́лия, / и почерпите, недúж-
нии, здравие, и боля́щи — исцелéние, / в скорбех
сúщии — утешéние, / обильно бо источáет всем
трéбующим полéзная / и дáрует мýрови мир / и
душáм нáшим вéлию мýлость.

И ны́не, Богорóдичен.

**Вход. Прокíмен дне. И чтéния 3 преподóбниче-
ская (зри страницы 113—115).**

На стихóвне стихи́ры, глас 1.

Подóбен: Прехвáльнии мýченицы:

Пресла́вне Васи́лие, / тебе́ ничтóже от земнýх
возлюбívшу, / но к Небéсным все тцáние имéл
есí, / ихже и óбщник быв, / со все́ми угоди́вшими
Бóгу весели́шися, / моли́ спастísя душáм нáшим.

**Стих: Честна́ пред Гóсподем / смерть преподóб-
ных Егó.**

Пречýдне Васи́лие, / тебе́ ничтóже от до́льных
вожде́лэвшу, / но к Гóрним всегда́ текúщу / и
лúчших рачéние имúщу, / ихже и получи́в, неизре-
чéнных благ наслажда́ешися, / Христа́ моли́ спа-
стí дýши нáша.

**Стих: Блажен муж, бойся Гóспода, / в заповедех
Егó восхóщет зело́.**

Премýдре Васи́лие, / тебе́ ничтóже от тлéемых
предпочётшу, / но к нетлéнным вперívшуся / и
немимотеку́щими обогатívшуся, / нестарéемых
благíх насыща́ешися, / Христа́ моли́ спастí дýши
нáша.

Слава, глас 6:

Человéче Бóжий, премýдрый юрóде, / твёрдый в
скорбных, жестóкий в болéзненных, / сосúде из-
бранный, вмести́лище Пресвятóму Дúху, / обеща́н-
ных святы́м наследниче, / не престáй моля́ о нас ко
Гóсподу.

И ны́не, Богорóдичен.

Тропáрь, глас 1:

Плоть удручившу ти злострада́нием, / ду́шу же просвети́вшу чистото́ю се́рдца, / обогати́лся еси́ благода́тию Пресвята́го Ду́ха, Васи́лие, / дарова́ти тре́бующим полéзная. / Сего́ ра́ди недужнии, притека́юще к цельбоподáтельному твоeму́ грóбу, премудроуро́де, / незави́стно приeмлют болéзней отложéние / и благода́рственно воспева́ют просла́вльшаго тя, / Еди́наго Человеколю́бца.

НА УТРЕНИ

На Бог Господь: тропáрь свята́го, два́жды. Сла́ва, и ны́не, Богоро́дичен.

По 1-м стихослóвии седа́лен, глас 1.

Подóбен: Гроб Твой, Спа́се:

Гроб твой, свя́те, Божéственною благода́тию обогащён, / недужным цельбодáтен избы́льне бы́вает и печа́льным утешéние неоску́дно, / твоe проявля́ет к Бо́гу присвоeние, / твоe сказа́ет здéшних трудóв мздовосприя́тие от Еди́наго Богатовозда́вца.

Сла́ва, и ны́не, Богоро́дичен:

Ма́терь Бо́жию Тя мо́лим вси, / любóвию прибега́юще под Божéственный Твой покрóв, Богоро́дице Присноде́во, / Тебе́ бо има́мы, грéшнии, оправда́ние, / Тебе́ стяжа́хом, злостра́ждущии, от лю́т избавлéние, еди́ную ўбо Богоблагодáтную.

По 2-м стихослóвии седа́лен, глас 8.

Подóбен: Челове́цы, Спа́се:

Недужным, свя́тче, к мо́щем твои́м теку́щим, / благода́ть, от Бо́га да́нная тебе́, исцелéние тем изли́вает. / Нарóди же, зря́ще чудодéйствиeм неизчтéние, вопи́ют к Одарова́вшему тя тако́выми: / дивен еси́ во свята́х Свои́х, / имeяй вeли́ю мiлость.

Сла́ва, и ны́не Богоро́дичен:

Скорбя́щим утешéние, Богообра́дованная, и недужным исцелéние незави́стное, / грéшником же Молiтвеннице непосты́дная, Богоро́дице, всем Влады́чице, / к Тебе́ прибега́ем, ве́рно вопи́юще

Ти:/ избáви ны от вся́ческих зол, еди́ная на Тя упова́ющим Засту́пнице.

По полиелéи седáлен, глас 5.

Подобен: Собезначáльное Слово:

Премудрившаго юрóдством своим мiра и миродéржца, / и́же посреде́ градских мяте́жей ум несму́щен имéвшаго, / воспóйм, вéрнии, и прослáвим, / я́ко подаёт вéрно прося́щим я́же на по́льзу проше́ния / и да́рует мiрови мир и спасéние чтúщим святу́ю пáмять егó.

Слáва, и ны́не, Богорóдичен:

Ужáсно чúдо зачáтия и несказáнен образ рожде́ствá в Тебé познáся, Чiстая Приснодéво, / ужасáет мой ум и удивлáет по́мысл; / слáва Твоя́, Богорóдице, всем прострéся во спасéние душ нáших.

Тáже степéнна, 1-й антифóн 4-го глáса. Прокíмен, глас 4: Возвеселiтся прáведник о Гóсподе / и упова́ет на Негó. Стих: Услы́ши, Бóже, глас мой, внегда́ моли́тимися к Тебé. Вся́кое дыха́ние: Ева́нгелие от Матфе́я, зачáло 43.

По 50-м псалмé стихiра, глас 6: Приидiте, москóвстии наро́ди: зри Слáвник на Гóсподи, воззва́х:

Канóн, глас 8, егóже краегранéсие: Христá рáди юрóдиваго хвалю́. В Богорóдичнах же: Богорóдица.

Песнь 1

Ирмо́с: Колесни́цегонiтеля фараóня погрузи́ / чудотвори́й иногда́ / Моисéйский жезл, крестообра́зно поразив / и разделив мо́ре, / Израiля же беглеца́, пешехóдца спасé, / песнь Бóгови воспева́юща.

Храм сéрдце своё Пресвято́му Дúху сотвори́ти хотя́, / храмы Божéственныя обходя́, умныя моли́твы к Бóгу вознося́, / житиé своё в жестóце пребывáнии препроводи́л еси́, богомúдре Васи́лие.

Риз тлénных одея́ния не трéбовал еси́, / во Христá е́же в Крещéнии облечéние нерастлénно снабдév, Богонóсе, / врага́ супостáта в студ облéкл еси́, я́ко сýща нéмошна.

Изыти отсюду яко разумé, / прэжде отшэствия, еже от зде, обнажился еси, богомудрый юроде Василие, / да нетленно одеяние в будущем приимеши, еже и не погрешил еси.

Богородичен: Болéзней кроме родила еси болéзней мя изменившаго, Дéво Мати Богородительнице Марие, / и здрава мя устроившаго Христа, / дрéвле же уязвившаго мя оступившаго* неисцельно злокозненнаго човекогубца.

Песнь 3

Ирмос: Утверждéй в началé Небесá разумом / и зéмлю на водах основáвий, / на камени мя, Христé, заповедей Твоих утверди, / яко несть свят, пáче Тебé, Едино Человеколюбче.

Слáвы маловременныя всяческих не хотя, / слáвы присносущныя рачитель сый истинен, / юже и получив, со всеми угодившими Бóгу радуешься, яко подобник тем нелóжен.

Тины страстныя, яко смыслен, огребаяся, / светлости же чистотней пристоя, / наготою телесною дýшу пáче солнца просветил еси, / яко той мир весь несть тóчен**.

Адамáнт в скорбных терпением был еси, / и, безплотным, в теле сый, подобяся, / зиму и зной мужественно терпя, / темже ныне со Ангелы водворяешься, блаженне.

Богородичен: Оружие непобедимо нам, верным, и стена неборима еси, Богородице, / Тобою ограждаеми, враги низлагаем, / яко несть непорочны, пáче Тебé, Владычице всех.

Седáлен, глас 4.

Подобен: Удивися Иосиф:

Удивися москóвский народ, чудес множество зря, / и внимаше в разуме от Бóга данную тебе благодать, Василие, / и мздовоздаяние скорбем еже во плóти жития твоего, / нагохождению, алчбе же и жажды / и тайным сердца твоего к Бóгу молитвам, / и свидетельствует, яко верен сый благоразсуден, к Трудоположнику твоему вопия: / нелóжен еси, Рекий: славыция Мя возпрославлю.

* оступившаго — окружившего, совратившего

** тóчен — равен

Слава, и ныне, Богородичен:

Удивися Иосиф, еже паче естества зря, и внимаше мыслию / иже на руно дождь в безсеменном зачатии Твоем, Богородице, / купину, огнем неопалимую, / жезл Ааронов прозябший, / и, свидетельствуя, обручник Твой и хранитель священником взываше: / Дева раждает и по рождестве паки Девою пребывает.

Песнь 4

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отца / и нашу нищету посетив. / Тем с пророком Аввакумом зову Ти: / силе Твоей слава, Человеколюбче.

Ругаяся маловременная стяжавшим, желая же безконечная благая, / наг ходил еси, ни во что тленных одеян, непобедим телесными нуждами, / но, яко безплотен, выше потреб плотских пребывая. / Тем Христу, укрепившему тя, взываем: / силе Твоей слава, Человеколюбче.

Ангел земный был еси, человек Небесный показался еси, / о всех житейских небрегл еси, да в оном мире обогатиться, / не стяжав zde обители, но Небесная селения по преставлении твоём восприял еси. / Тем чудесы одарившему тя Богу вопиём: / силе Твоей слава, Человеколюбче.

Духом по апостолу ходив, похотей плотских не творя, / наготою тела не стыдяся, не воздушными нуждами победився, / не повинув лучшее худшему, но над страстьми ум владыку имел еси. / Тем Спасу, облагодатившему тя, взываем: / силе Твоей слава, Человеколюбче.

Богородичен: Горá, юже виде Аввакум, / горá чиста, горá усырена, / горá, юже благоволи Бог жити в ней, Ты еси, Дево Богородице, / от Тебе бо без семени воплотися, / Емуже, с пророком веселящися, зовём: / силе Твоей слава, Человеколюбче.

Песнь 5

Ирмос: Вскую мя отринул еси / от лица Твоего, Свете Незаходимый, / и покрыла мя есть чуждая тьма, окайнного, / но обрати мя и к свету заповедей Твоих / пути мой направи, молюся.

Истинный ученик Вопиющему был еси, блаженне: / не любите мира и яже суть в мире, / ничтоже бо мирских вещей имев, / невестественными в премирных обогатился еси.

Узкий и прискорбный путь в житий прошед, / пространствы Небесными по успении твоём одарен, / ихже поющим ты и память твою почитающим не лишиться помолися.

Рог верным людем молитвами твоими возвышай / и земли благоплодие у Содетеля испрошай, / да в благодушии тебе воспеваем, яко таковым благим ходатая.

Богородичен: Отроковице Богоизбранная, Невесто Творцу Всенепорочная, / изми нас от страстей наших и свободи от работы вражия, / Ты бо еси упование наше, Всепетая.

Песнь 6

Ирмос: Очисти мя, Спасе, / многа бо беззакония моя, / и из глубины зол возведи, молюся, / к Тебе бо возопих, и услыши мя, / Боже спасения моего.

Очисти ны от скверны, вельми бо окаляхомся, / из глубины зол возведи ны, молимся, / тебе бо молитвенника стяжахом к Богу спасения нашего.

Дивен быв в терпении, наг бо всегда ходил еси, / темже нетленными одеждами украси ты / еже от здешних по преставлении твоём Бог спасения моего.

Избави ны от злых, вельми бо стужаемы есмы, / во глубину лютых зашедше от невнимания, / прилежно помолився, яко угодник Богу спасения нашего.

Богородичен: Роди родов блажат Тя, якоже прорекла еси, Присноблаженная, / блажены бо устроила еси окаянны прежде бывшия, / Мати Спаса нашего.

Кондак, глас 4.

Подобен: Явился еси днесь:

Явил ты есть Господь нынешнему роду / исцелителя болезнем и прогонителя недугом / любовью, Василие, притекающим к тебе / и призывающим верою молитвы твоя.

Икос:

Словѣнску язѣку, **россійстей** странѣ, **москѡв-**
стей ѡбласти, / **якоже** благоволи **Господь**, **чудотвѡ-**
рец велик **явился** еси, **Василие**, / **недугующим**
подай цельбы от **мног** бо **времен** по **преставленіи**
твоѡм, / **паче** же, по **ѣже** к **Богу** **твоѡму** **отшѣствию**,
благодать **незавѣстна** **изливаѣтся**. / **Тѣмже** **ѣже** в
лютых **злостраждущи**, **притекающе** ко **гробу**
твоѡму, **исцелѣній** **наслаждаются**, / **усѣрдно** **при-**
падающе **образу** **подобія** **твоѡго** и **призывающе**
вѣрою **молитвы** **твоѡя**.

Песнь 7

Ирмос: **Божия** **снизхождѣнія** / **огнь** **устыдѣся** в
Вавилѡне **иногда**. / **Сего** **ради** **ѡтроцы** в **пещи**,
радованною **ногою**, / **яко** во **цвѣтнице**, **ликующе**,
пояху: / **благословѣн** **еси**, **Боже** **отѣц** **наших**.

Василиеву **житію**, **ѣже** в **мире** **сем** **поживѣ**,
Ангели **удивѣшася**, / **сего** **ради** и в **преставленіи**,
тогѡ в **Небѣсная** **провождаете**, **яко** **повелѣни**, /
ликоваху, **поюще** **благословѣннаго** **отцѣв** **Бога**.

Авраамстии **ѡтроцы** **огнь** **попраша** в **Вавилѡне**
дрѣвле, / **сего** **ради**, **Василие**, **зной** и **зиму**, **яко**
безплѡтен, **ни** во **чтоже** **вменяя**, **пояше**: / **благосло-**
вѣн **Бог** **отѣц** **наших**.

Горняя **благая**, **яко** **лучших** **сый** **рачитель**, **же-**
лая, / **сего** **ради** **дольняя** **наслаждѣнія**, **яко** **скоро**
минующая, **отверг**, **пояше**: / **благословѣн** **Бог** **отѣц**
наших.

Богородичен: **Огнь** **вавилѡнскія** **пещи** **ѡтроки** **не**
опаляше, **ввѣрженныя** в **ню** **дрѣвле**, / **такоже** и
Божѣственный **Огнь**, **девическія** **утробы** **не** **вре-**
див, **воплотѣся**, **спасая** **поющих**: / **благословѣн** **Бог**
отѣц **наших**.

Песнь 8

Ирмос: **Седмерицею** **пещь** / **халдѣйскій**
мучитель / **Богочестивым** **нейстовно** **разжжѣ**, / **си-**
лою **же** **лучшею** **спасены** **сія** **видев**, / **Творцу** и
Избавителю **вопяше**: / **ѡтроцы**, **благословите**, /
священницы, **воспойте**, / **люди**, **превозносите** **во**
вся **вѣки**.

Отроком, **за** **благочестіе** в **пещь** от **халдѣйскаго**
мучителя **ввѣрженным** **иногда**, / **неопально** **же**

изшедшим, подобяся, Васілие, / огонь злострадания попираше, поя: / діти, благословіте, священницы, воспойте, / людіе, превозносите Егó во вéки.

Хожда́ху о́троцы в пещи́ халде́йстей неопáльни иногда́, / премудры́й же юро́д, Васілие, в злострадания́ благоду́шества, / веселя́шеся бу́дущих наде́ждами, духо́вных трудо́в Мздовозда́телю вопи́яше: / діти, благословіте, священницы, воспойте, / людіе, превозносите Егó во вéки.

Воева́ти на ны устремля́ющимся, свя́те, / благоприятными тво́ими к Бо́гу моли́твами возбрані́, мо́лим тя, / да, спасе́ни тво́им предста́тельством, Творцу́ и Изба́вителю вопи́ем: / діти, благословіте, священницы, воспойте, / людіе, превозносите Егó во вéки.

Богоро́дичен: *Дивно́ чúdo зача́тия на Тебе́ еди́ней от вéка показáся, Де́во Богоро́дице, / си́ле бо Свята́го Ду́ха осени́вшей Тя, Творца́ всей тва́ри родила́ еси́, / Егóже благословя́т вся́ческая, пою́т и превозно́сят во вéки.*

Песнь 9

Ирмо́с: *Ужасе́ся о сем Не́бо, / и землі́ удиви́шася концы́, / я́ко Бог яви́ся челове́ком плóтски / и чре́во Твое́ бысть простра́ннейшее Небес. / Тем Тя, Богоро́дицу, / Ангелов и челове́к чинонача́лия велича́ют.*

А́ще и не по ле́поте святы́ни тво́ей убо́гое си́е прино́сится песносло́вие, / зане́ от ни́ща ума су́ще сокрови́ща, / но приими́ си́е, я́ко от усер́дия есть, и блага́ми нам возда́ри, / да тя, я́ко Бо́жия уго́дника, веселя́щеся, велича́ем.

Ли́ку святы́х сочетáлся еси́, и пёрвенец Цёрковь при́ят тя, / я́ко богоуго́дно в ми́ре пожи́л еси́ и непреткнове́нно на Небеса́ восте́кл еси́. / Тем тя, богому́дре, со свяще́нными, ве́рнии, велича́ем.

Юро́д ми́ру Христа́ ра́ди был еси́, премудр сый в духо́вных Бо́гови, / нищ и убо́г в телесных ходи́в, душе́вное бога́тство собра́л еси́, / те́мже тя, богоблаже́нне, я́ко Христа́ва раба́ и́стиннаго, пёсньми и похва́лами, ве́рнии, велича́ем.

Богорóдичен: Избáви нас от бед, Богорóдице Чíстая, / вéчное рóждшая Избавлénие, / я́ко на Тя упováние с Бóгом, Богоотроковíце, íмамы, / и Твоím предстáтельством огражда́емся, / и Тебé, я́ко всех благíх винóвну сýщу, / с Небéсными вóинства вельчáем.

Светíлен.

Подóбен: Жены, услы́шите:

Недúжнии, приступíte грóбу чудотвóрца, / исто́чает бо избы́льно исцелéний даровáния, / и Бóга хвалíte, прослáвившаго Своегó угóдника / и чудéс благодáтию обогатíвшаго тогó неоскúдно: / Милосéрд бо есй, Всесíльне.

Слáва, и ны́не, Богорóдичен:

Царíце и Влады́чице всей твáри, Царя́ и Влады́ку рóждшая несказáнно, / свободíвшаго нас от рабóты дя́воли и тли смéртныя, / Тогó ны́не прилéжно моли́, мо́лим Тя, / прости́ти нам грехопáдénия нáша и спасти́ ны от вся́ческих зол.

На хвалíteх стихíры, глас 6.

Подóбен: А́нгельския предыдíte сíлы:

Правовéрных мнóжества, / ликовствуйте в пáмять премúдраго юрóда и чудотвóрца, / и всех благíх Подáтеля, Христá Бóга, песнослóвите, / и Тогó угóдника, блажéннаго Васíлия, почитáйте, / да моли́твами егó при́йдем вéлию мýлость.

Празднолúбных сослóвие, торжествуйте, / богáтии и ни́щи, сопрáзднствуйте, / чудотвóрца Васíлия пáмять почитáюще, / и чудéс благодáтию Одарíвшаго тогó воспевáйте, / да моли́твами угóдника Своегó спасéт нас.

А́нгельскому жити́ю подражáтелю, / о телесí нерадívый, я́ко безплóтен, / посреде́ мíра немиролúбне ходívый / и юрóдственне злóбы мудреца́ низложívый, / всемогúщаго Христá сíлою и благодáтию, / Тогó моли́, блажéнне, да спасéт ны.

Слáва, глас 8:

Преблагéнне Васíлие, / равноа́нгельный нестяжáтелю, / богомúдре Христóв ра́бе, / ева́нгельски

міра и сущих в нем нерачітелю, / моли́твами тво́ими страну́ нашу утвержда́й, / и Це́ркве единомышлѣние укрепля́й, / и мир мірови проси́ / и душамъ нашимъ велию́ мѣлость.

И ны́не, Богородичен:

Влады́чице, прими́ моли́твы рабъ Тво́ихъ / и изба́ви нас / от вся́кия нѣжды и печáли.

На Литургіи устáв зри на страни́це 86.

Моли́тва ко Го́споду

О Влады́ко Христе́, Сы́не Бо́жий, Исто́чнице жи́зни и просвещѣ́нью, Долготерпелѣ́вый и Многомѣ́лостивый, пода́ждь намъ сла́вити пресвято́е и пресла́вное Твоѣ́ И́мя бо́дренно во испове́дании сердѣ́чем во вся́ дни живота́ на́шего, до послѣ́дняго часа́. Ели́ко хо́щеша, мо́жеша, вели́ка бо е́сть сла́ва премно́гаго Тво́его милосѣ́рдия и непости́жима́ всему́ рождѣ́нному естеству́. Ка́ко претерпи́т я́зык наш, тако́выя бо ра́дости и весѣ́лія испо́лни нас, телѣ́снаго и духо́внаго? Или́ ка́ко воспоѣ́м благода́ть Твою́ неизрече́нную, и́стиннымъ желáнием усѣ́рдно велича́ем и славослѣ́вим милосѣ́рдие Твоѣ́, я́ко дарова́ намъ Сво́его уго́дника, блаже́ннаго Васи́лия? Толи́ко дѣ́хомъ к Тебѣ́ зовѣ́м: о Го́споди, Жи́вый, Непристу́пный, Стра́шный, Мѣ́лостивый и Ще́дрый, Ви́димый и Невѣ́димый, поми́луй нас, всегда́ Тебѣ́ со слезáми зову́щих, и просвещáй нас, Сво́его ра́ди уго́дника, пресвѣ́тло мѣ́лостивыми чудесы́. О благи́й Царю́ всея́ твáри! Помѣ́луй божѣ́ственнымъ Тво́имъ пресветломѣ́лостивымъ изво́лѣниемъ хотѣ́ния Сво́его и похвалу́ сла́вы благода́ти Сво́ея́ прими́ по премно́гому милосѣ́рдию Сво́ему, вели́чества ра́ди прехва́льнаго Тво́его И́мене, и Пречи́стыя Тво́ея́ Ма́тере, Пресла́вныя, Преблагословѣ́нныя и Пренепоро́чныя Присноде́вы Марі́и, и святы́х сла́вныхъ и всехва́льных апо́столъ, и проро́къ, и мѣ́ченикъ, преподо́бныхъ и праведныхъ ра́ди, и свято́го богомѣ́драго ю́рода Тво́его, преблаже́ннаго Васи́лия, и всехъ святы́х ра́ди Сво́ихъ уго́дникъ, возвели́чи, Го́споди, Русь Правосла́вную предъ лати́ны и

басурманы и прочими языки, враги ея и супостаты побори, Господи, вои же ея храбры сотвори и оградя я ангелы святыми Своими, и всем православным христианом в целомудрии, и в мире, и в благоденствии пребывати соблаговоли, и облаком небесным повели дати дождя благодарственно земли во благопотребно время, яже бо во препитание людем Твоим и траву скотом, исполни я всякия благодати в род и род во веки веков. Яко Ты еси Бог миру и Спаситель душам нашим, Твое бо есть, еже миловати и спасати, Свят еси Ты, Господи Боже наш, и Тебе славу возсылаем, со Отцем и Святым Духом, всегда, ныне, и присно, и во веки веков. **АМИНЬ.**

Святой блаженный Василий, Московский чудотворец, родился в декабре 1468 года в Москве. Родителей его звали Иаков и Анна. По преданию, блаженный родился на паперти подмосковного Елоховского храма в честь Владимирской иконы Божией Матери, где мать его горячо молилась. Когда отрок подрос, его отдали в обучение сапожному ремеслу. Через некоторое время мастер понял, что ученик его — не простой человек. Однажды некий купец привез на баржах в Москву хлеб и зашел в мастерскую заказать сапоги, просил сделать их такими, чтобы не сносить за год. Блаженный Василий прослезился: «Сошьем тебе такие, что и не износишь их». На недоуменный вопрос мастера ученик ответил, что заказчик даже не обуеет новые сапоги, так как скоро умрет. Через несколько дней пророчество сбылось.

В 16-летнем возрасте блаженный Василий начал тернистый подвиг юродства. В лютый мороз и палящий летний зной ходил он обнаженный и босой по улицам Москвы. Странны были его поступки: то опрокинет лоток с калачами, то прольет кувшин с квасом. Рассерженные торговцы били блаженного, а он с радостью принимал побои и благодарил за них Бога. Затем обнаружилось, что калачи были испечены из муки с вредными примесями, а квас был негодным. Таким образом, в действиях блаженного открывался особый, поучительный смысл. Стало ясно, что блаженный Василий — обличитель



неправды, человек Божий; постепенно он стал пользоваться вниманием и почитанием.

Один купец начал строить на Покровке в Москве каменный храм, но трижды своды его обрушивались. Купец обратился за советом к блаженному, а тот направил его в Киев: «Найди там убогого Иоанна, он даст тебе совет, как достроить церковь». Приехав в Киев, купец разыскал Иоанна, который сидел в бедной хате

и качал пустую люльку. «Кого ты качаешь?» — спросил купец. — «Родимую матушку, плачú неоплатный долг за рождение и воспитание». Тогда только купец вспомнил свою мать, которую выгнал из дома, и ему стало ясно, почему он никак не может достроить церковь. Вернувшись в Москву, он возвратил мать домой, принес покаяние в содеянном поступке, испросил у нее прощение. После этого он благополучно завершил возведение храма.

Проповедуя милосердие, блаженный Василий помогал прежде всего тем, кто стыдился просить милостыню, хотя крайне нуждался в ней. Был случай, когда он отдал богатые царские подарки купцу-иностранцу, который остался без средств к существованию, три дня ничего не ел, но не обращался за помощью.

Блаженный Василий сурово осуждал тех, кто подавал милостыню с корыстными целями, не из сострадания к бедности и несчастью, а в надежде легким путем привлечь благословение Божие на свои дела. Однажды блаженный Василий увидел беса, который принял облик нищего. Он сидел у Пречистенских ворот и всем, кто подавал милостыню, оказывал немедленную помощь в делах. Блаженный разгадал козни лукавого и прогнал его.

Ради спасения ближних блаженный Василий посещал и корчмы. Даже в самых падших людях он видел зерно добра, подкреплял их лаской и ободрял. Многие замечали, что когда святой проходил мимо дома, в котором безумно веселились и пьянствовали, то со слезами обнимал углы дома. Когда его спрашивали, что это значит, он отвечал: «Ангелы скорбные стоят у дома и сокрушаются о грехах людских, а я со слезами упрашивал их молить Господа об обращении грешников».

Очистив великими подвигами и молитвой свою душу, блаженный Василий удостоился дара провидеть будущее и совершать чудотворения. В 1547 году он предсказал великий пожар Москвы; молитвой угасил пожар в Новгороде; однажды обличил царя Иоанна Грозного, что он во время Богослужения был занят мыслями о постройке дворца на Воробьевых горах. Однажды сострадательный бо-

ярин в лютую зимнюю стужу просил блаженного Василия принять от него богатую лисью шубу. Блаженный, по обычаю, побежал по улице в шубе. Недобрые люди, увидев юродивого в этой шубе, решили обманом взять ее у него. Один из них лег на землю и притворился умершим. Приятели его стали просить блаженного подать что-нибудь на погребение бедняка. Вздохнув из глубины сердца об их лукавстве, блаженный Василий спросил: «Истинно ли мертв ващ товарищ и давно ли умер?» Те отвечали, что он скончался сию минуту. Блаженный отдал шубу со словами Псалмопевца: «Лукавнущие погребаются». Когда праведник отошел, обманщики обнаружили, что их товарищ действительно мертв.

Как повествует история Церкви, истинное свидетельство и от врагов приносится. Так, персидский корабль, на котором было множество народа, плыл по Каспийскому морю. Начался сильный шторм, волны заливали корабль, и не было надежды на спасение. Кормчий уже не правил кораблем, ибо утратил направление пути в бурной стихии. Вместе с персами на корабле находилось несколько русских православных христиан. Во время опасности они вспомнили о блаженном Василии и сказали плывшим с ними неверным: «Есть у нас на Руси в Москве блаженный Василий, который ходит по водам, и волны его слушают; он имеет великое дерзновение ко Христу Богу нашему и силен избавить от потопления корабль наш, погружаемый волнами, и спасти нас». Едва произнесли они эти слова, внезапно все увидели обнаженного мужа, стоявшего на воде, который взял корабль за руль и направил через бурные волны. Вскоре волны утихли, ветер прекратился, и все спаслись от предстоявшей гибели.

Возвратившиеся в свою землю персы рассказали своему правителю о бывшем чуде. Шах написал об этом царю Иоанну Грозному, и когда некоторые из спасенных персов прибыли в Москву по торговым делам, то встретили на улице города блаженного Василия и в нем узнали того самого мужа, который избавил их от потопления.

Несмотря на лишения и невзгоды, испытанные при жизни, блаженный

Василий достиг глубокой старости. Скончался святой 2 августа 1557 года в возрасте 88 лет, 72 из которых провел в подвиге юродства. Митрополит Московский Макарий с сонмом духовенства совершил погребение великого угодника Божия. Тело его было погребено у Троицкого храма, что на рву, где в 1554 году был построен Покровский собор в память покорения Казани. Прославлен блаженный Василий Поместным Церковным Собором 2 августа 1588 года, по благословию Святейшего Патриарха Иова. В Покровском соборе был устроен придел во имя святого Василия Блаженного. Еще до прославления ему была написана служба соловецким старцем Мисаилом.

Много различных исцелений и чудес происходило у гроба блаженного Василия. Многие из них засвидетельствованы современниками. Православные москвичи с особенной ду-

ховной теплотой почитают память Василия Блаженного.

В описании облика блаженного Василия имеются подробности: «Наг весь, в руке посошок». Почитание его было столь сильным, что Покровский собор и пристроенный к нему придел и доньяне именуется храмом Василия Блаженного.

Вериги святого Василия Блаженного хранятся в Московской Духовной Академии.

Литература

1. Словарь исторический о святых, прославленных в Российской Церкви. Изд. 2-е, СПб., 1862.

2. Святой Блаженный Василий, Московский чудотворец.— ЖМП, 1977, № 8, с. 75—79.

3. Ковалевский И., священник. Святые блаженные Василий и Иоанн, Христа ради юродивые, Московские чудотворцы. М., 1894.

